


24182





9

ՄԻՐՎԱՐԻ

ԶԱԽԶԱԽՈՒԱԾ ԳԱՆԿԵՐ

Ա.Ի.ԼՆՈՏ ՈՂՔԵՐԳՈՒՔԻՆ

ԶՈՐՍ ԱՐԱՐՈՒԱԾ ԵՒ ԵՐԵՔ ՊԱՏԿԵՐ



2003

1920

ՊԱՐՍՆ

ԹԸՆ

891.99
U-55

20

Շուտով տպագրութեան կը
նուրի հեղինակին

Հին ԱՇԽԱՐՀ ԵՒ ՆՈՐ ԱՇԽԱՐՀ

պատմական ուսուցման սիրութիւնը
կացած երեք մասերէ :

Ա. ՄԱՍ. — Մարդկութեան մ
մը և աստիճանական զարգացում

Բ. ՄԱՍ. — Ընկերվարութիւն
իւր դիրքը ներկայ ընկերութեան
դէպ :

Գ. ՄԱՍ. — Ընկերվարական
Ֆորմ :

Այս ստուար հատորը, 300 է
լեւի, այժմէն բաժանորդագր
կարժէ \$1.50. լոյս տեսնելէ յետ
տի ծախուրի օրինակը \$2.00 :

391.99

U-55

ՍԻՐՎԱՐԴ

ՋԱԽԶԱԽՈՒԱԾ

ԳԱՆԿԵՐ

Արիւնոս Ողբերգութիւն

1001

ՉՈՐՍ ԱՐԱՐՈՒԱԾ ԵՒ ԵՐԵՒ ՊԱՏԿԵՐ



9472

ԵՐԿՈՒ ԽՕՍԲ

Մտացածին ղեկավարու բռնազբոսիկ չղթալուրում մը չէ այս արիւնոտ ողբերգութիւնը, այլ իրական հերոսապատումի մը ճշգրիտ պատկերացումն է, անսթեւեթ զրիչով մը:

Ուրեմն, հասկնալի է որ, գեղարուեստի սիրահարները յուսախաբ չպիտի ըլլան, երբ անոր բացակայութիւնը տեսնեն այս էջերուն մէջ, որովհետեւ, նպատակս եղած:

Ա.— Տեղի ունեցած հերոսամարտ մը ներկայացնել այնպէս պարզ՝ ինչպէս որ պատմած է կռիւին մասնակցողներէն մին, որ այժմ Ամերիկա կը գտնուի:

Բ.— Գոյացած հասոյթով զոյգն օգտակարութիւն մատուցանել գիւղիս՝ Մօրէնիկի Նոր Սերունդի մտաւորական զարգացման:

Ահա՛ այս սղբերգութեան առանձինն զրքոյկով հրատարակութեան միակ ու զըլ խաւոր նպատակը:

ՀԵՂԻՆԱԿԸ



32214-Կ.հ. 15657-58

ՍՐՏԱԶՕՆ

Անո՛նց որ Ազատ, Անկախ Հայաստանի
 Անգլրանիկ Մարտիրոսները հանդիսացան,
 Անո՛նց որ Հայ Ազատագրութեան Ար-
 չալոյսը երկնեցին,—
 Կը ձօնեմ այս արիւնոտ ողբերգութիւ-
 նը:

ՍԻՐՎԱՐԴ

Ն Ո Ի Է Ր

ԽՈՐՀՐԴԱՅԻՆ ՀԱՅԱՍՏԱՆԻ
 ՄԱՏԵՆԱԴԱՐԱՆԻՆ

ՄԱՐՏԻՐՈՍ Յ. ԴԱԻԻԹԵԱՆԷ
 Մ.Յ.Մարտունի, Մարտակ-Առիւծ
 Մալաթիացի

ԳՈՐԾՈՂ ԱՆՁԻՆՔ

ԽԱԶԱՏՈՒՐ, Մօրէնիկ գիւղի մեծաւորնե-

	րէն,	50	տարեկան
ԴԱԻԻԹ,	}	30	»
ԳՐԻԳՈՐ,		35	»
ՅԱԿՈՒ,		32	»
ՆՇԱՆ,		21	»
ՎԱՂԱՐՇԱԿ,		20	»
ԱՐՐԱՀԱՄ,		25	»
ՆՈՒՐՀԱՆ,		22	»
ՀՄԱՅԵԱԿ,	23	»	

ՅԵՂԱՓՈԽԱԿԱՆՆԵՐ

ՄԱՐՏԻԿ, Յեղափոխական Առաջնորդ	30	տարեկան
ԿԱՐԱՊԵՏ, Յեղափոխական Առաջնորդ	48	տարեկան
ԱՐԱՄ, Դաւիթիւն եղբայրը,	14	տարեկան
ԵՂՆԱՐ, » Եւ Արամիւն մայրը	49	»
ԱՐՇԱԼՈՅՍ, Վաղարշակիւն նշանածը	18	»
ԱՐՈՒԹ, գիւղիւն գգիրը	40	»
ԶԱՊԻԹ ՊԷՅ, Մ-Ագիգի կուսակալը	45	»
ԱՍԸՄ ՊԷՅ, Խարբերդի գայմագամը	50	»

ՄՐ. ԷՅՄԱՆ, Գերման հիւպա-
սոս եւ միսիօնար 55 տարեկան

ՎէլչՊի ՊէՅ, Զին. հրամանատար 40 »

Զէֆի ԷֆէՆՏի, Հագարապետ 45 »

ՖէՅՄի » փոխ » 42 »

ՔէՄԱԼ » ոստիկանապետ 39 »

ԱՊիՏ, Կուսակալին գրագիրը 30 »

ՔերիՄ, տասնապետ 29 »

Ոստիկաններ, զինուորներ

և տարագրեալներ

Դէպքը տեղի ունեցած է Մօրենիկ գիւ-
ղի (Խարբերդ) եւ Մ-Իւլ-Աղիզի մէջ, 1915
թուականին, — Համաշխարհային պատե-
րագմի առաջին տարին:

ԶԱՆՉԱԽՈՒԱԾ ԳԱՆԿԵՐ

(Արիւնոս Ողբերգութիւն)

ԶՈՐՍ ԱՐԱՐՈՒԱԾ ԵՐԵՔ ՊԱՏԿԵՐ

ԱՐԱՐՈՒԱԾ ԱՌԱՋԻՆ

(Տեսարանը կը ներկայացնէ Աքրահա-
մենց տունը—Մօրէնիկ գիւղի մէջ: Կէս գի-
շեր է: Ընդարձակ եւ խոռոչաւոր սենեակ
մը: Յատակը ծածկուած է դեղնագոյն փը-
սիաքով: Տեղ-տեղ շորեր կ'երեւին: Կի-
սապատին վրայ՝ աջ կողմը՝ դրուած է ձի-
քէ նրագ մը, որու աղօտ լոյսին տակ կ'ե-
րեւին՝ կիսաբոլորակ ձեւով նստած՝ Դա-
ւիթ, Գրիգոր, Նշան, Վաղարշակ, Հմայ-
եակ եւ Յակոբ: Բոլորն ալ զինուած են:
Առաջին երեքը կը ծխեն անընդհատ, լուռ
եւ մտախոհ երեւոյթով, իսկ վերջինները՝

գոհունակ տրամադրութեամբ՝ գէնգերնիկն կը մաքրեն: Դուրսէն մերք ընդ մերք գիւն-
ւորական փողի ձայն:)

ՏԵՍԻԿ ԱՌԱՋԻՆ

Դաւիթ, Գրիգոր, Նշան, Վաղարշակ,
Հմայեակ եւ Յակոբ

ԴԱՒԻԹ. — Այս գիշեր վատ նախադ-
դացում մը կը մտահոգէ զիս, ընկերներ՝
(Ժամացոյցը նայելով) Առաւօտը կը մօտե-
նայ եւ տակաւին տղաքը չլերադարձան:
Արդեօ՞ք արտաքին անակնկալ արդեւք մը
թէ ո՛չ, դարձեալ, անհամաձայնութիւն...:

ՆՇԱՆ. — Այդ յոռետեսութիւնը ան-
տեղի է, որովհետեւ գործը վարպետ ձեռ-
քերու յանձնուած է: Ուշացումի պարագան
զիս բնա՛ւ չի մտահոգեր, երբ նախընթաց-
ներ շատ ունեցած ենք:

ՀՄԱՅԵԱԿ. — Գործը միայն վարպետ
ձեռքերու յանձնուելը բաւական չէ անոր
յաջողութիւնը ապահովուած նկատելու,
եթէ արտաքին եւ ներքին պայմանները եւս

նպաստաւոր չըլլան: Արտաքինը արդէն
ծանօթ է, իսկ ներքինը եւս անստոյգ չէ
դէթ ինձ համար: Գզիր Արուսթը ես ընդու-
նակ նկատած եմ ո՛չ միայն դասալիք ըլ-
լալու, այլեւ դաւաճանութեան...:

ԳՐԻԳՈՐ. — (Հմայեակիին) Արդէն դուն
միշտ կասկածոտ եղած ես: Չեմ գիտեր թէ
ընդհանուր Հայութեան բնաջնջումի այս
օրերուն պիտի դանուի՞ հայ անունը կրող
մէկը, որ մատնութիւնով կամ դասալքու-
թեամբ իր կաշին փրկելու միամիտ հա-
ւատքն ունենայ:

ՀՄԱՅԵԱԿ. — (Քիչ մը սրտնեղած) Չա-
փազանց միամիտ ես... Եթէ բոլորն ալ
քեզ նման մտածէին, այն ժամանակ կուուի
պատնէշին վրայ միայն քանի մը հողիներ
չէինք մնար...:

ՎԱՂԱՐՇԱԿ. — (Հմայեակիին՝ յանդի-
մանական քօնով) Միշտ միեւնոյն յանկեր-
զը... Չինաստանէն նոր հասնող մ՛իսկ պի-
տի դժկամակէր այդպիսի մտածումներ
դուրս տալու: Որո՞նք պիտի ըլլային պատ-
նէշին վրայ. ծերե՞րը թէ երեսաները...
Թուրք ոճրագործ կառավարութեան այն-
պիսի ճարպիկ ու նենդամիտ քաղաքակա-

նութիւնով մը մօտենալը Հայութեան՝
զիտենք արդէն, ալ ի՞նչպէս ըմբօսառ-
թեան մասին պիտի մտածէր երիտասար-
դութիւնը:

Ամենքիս ծանօթ է, նաեւ, որ Թուր-
քիան դեռ պատերազմին մէջ չմխուած 18—
45 տարեկանները զէնքի տակ առնուեցան՝
հետու վայրեր ուղարկելով. իսկ պատե-
րազմի յայտարարութեան երկրորդ օրն
իսկ, նենդամտօրէն, յաճախ գիշերանց,
ձերբակալեցին Կուսակցութեանց առաջ-
նորդները եւ մնացած 12—18 տարեկաննե-
րը 45—60 տարեկաններուն հետ միասին
տարագրումի ճամբուն վրայ վատօրէն
մահացուցին: Հետեւաբար անարդարու-
թիւն չէ՞ մտածելն իսկ որ՝ Խարբերդի ե-
րիտասարդութիւնը կարող էր ըմբօսա-
նալ եւ սակայն դասալիք եղաւ: Մի՛ մոռ-
նար որ մեր պարագան բոլորովին տար-
բեր էր...

ՆՇԱՆ. — Ընդունելով հանդերձ որ ը-
սածնիդ ճշմարտութիւն է, այնուամենայ-
նիւ ես պիտի պնդեմ որ խոշոր սայթաքում
տեղի ունեցաւ, յեղափոխական առաջնորդ
ներու թոյլ եւ անհեռատես քաղաքականու

թեան երեսէն, մէկ խօսք՝ յեղափոխական
գործը, պատերազմէն շա՛տ առաջ, տու-
ժած էր: Ես գիտեմ գործիչներ, որոնք ինք
նապաշտպանութեան համար եղած առա-
ջարկներուն բացասական դիրք կը բռնէին,
առանց նկատի առնելու տեղական պայ-
մաններն ու ժողովուրդի հոգեբանութիւ-
նը:

Ասոր վրայ ալ եթէ աւելցնենք միախօ-
նարական ազդեցութիւնն ու ցոյց տուած
օժանդակութիւնը կառավարութեան դա-
ւերուն, ամեն ինչ այն ատեն հասկնալի
կ'ըլլայ:

ՅԱԿՈՒ. — Չեմ գիտեր թէ ո՛րքան ար-
դարութիւն ըրած կ'ըլլանք, երբ թրքա-
կան հալածանքն ու միջավայրի ազդեցու-
թիւնը բոլորովին անտեսենք եւ միախօնա-
րութիւնը միայն յանցաւոր նկատենք: Եթէ
տասնեակ անգամներ թրքական խոստում-
ներու արժէքը կշռելով հանդերձ, դարձ-
եալ, մեր զէնքերը կը յանձնենք, — ո՞վ է
մեղաւորը, մե՞նք թէ Միախօնարութիւնը:

ԴԱԻԻԹ. — Ո՛չ ոք կ'ուրանայ այն բա-
ժինը՝ մեր բնաջնջումի գործին մէջ՝ որ ու-
նեցած են միջավայրն ու հալածանքը, սա-

կայն ընդունենք որ անոնց չկըր-
ցածը Մխիօնարութիւնը ընել յաջողեցաւ,
մասնաւորապէս Գերման Մխիօնարութիւ-
նը, մեռցնելով ըմբոստութեան ոգին եւ
յեղափոխական դադարիարը: Միթէ՞ թուր-
քէն պակաս գործ տեսաւ Մր. էյմանը...:

ՎԱՂԱՐՇԱԿ.— Ճշմարիտ Հայու ա-
րիւն ունեցող մը առկէ տարբեր զգացում
եւ համոզում չկրնար ունենալ: Վեց հա-
րիւր տարուայ ընթացքին թուրքը ա՛յն-
քան ծանր հարուած չկրցաւ տալ, որքան
տուաւ Գերմանիա, քանի մը ամսուայ մէջ
... եւ այս դիւրաւ մոռցուելիք դաս մը
չէ, հարկաւ:

ԳՐԻԳՈՐ.— Նորէ՛ն Բիւզանդաբանու-
թիւն... Զարմանալի ազգ ենք, այնպէս
չէ՞... (լռութիւն) Արշալոյսի եւ իր ընկեր
ներու լռութեան կը յաջորդէ այսօր տղա-
յոց լռութիւնը, եւ այս պարագան դուք
չատ թեթեւ կը նկատէք դժբաղդաբար...:

ՆՇԱՆ.— Արդէն յոյսերնիս կտրած
ենք Արշալոյսէն... Առաջին ժողովէն վերջ
անոնց չերեւիլը ինքնին վատ նշան է, եւ
թերեւս տարագրուած ըլլան մինչեւ ցարդ
...

Դուրսէն զինուորական փողի ուժգին ձայն

ԴԱԽԻԹ.— Արտասովոր դէպքի մը
վատ նախանշանն է այս ձայնը գի-
շերուան այս պահուն... (ընդհանուր նըն-
շող լռութիւն:)

ՏԵՍԻԼ ԵՐԿՐՈՐԴ

Նոյնիք եւ Աքրահալ

ԱԲՐԱՀԱՄ.— (Հրացանը ուսին ներս
մտնելով) Հինգ վայրկեանէն աւելի է, որ
երեք հոգի՝ զգուշութեամբ՝ տանը չորս
կողմը կը դիտեն:

ԳՐԻԳՈՐ.— Հաւանական է տղաքն են:

ԱԲՐԱՀԱՄ.— Միթէ՞ մեզ տղաքը թըր
քական տարազ կը կրեն...:

Ամենքն ալ կը ցնցուին

ԴԱԽԻԹ.— (ընդաստ ոտքի կանգնե-
լով) Պաշարուած ենք, տղա՛ք: Պատրաստ
կեցէ՛ք: (Բոլորը ոտքի վրայ: Զէնքերը
ձեռքերնին՝ կազմ ու պատրաստ՝ կապա-
սեմ անշունչ: Վայրկեան մը վերջ կատուի
մլաւիւն մը կը լսուի: Դաւիթ՝ մատը բեր-
նին դրած՝ նշան կ'ընէ լռութեան: Մլաւիւ-

նը կ'երկրորդուի, կ'երրորդուի՝ վերջինը աւելի սուր։)

ԱՐՐԱՀԱՄ .— Տղա՛քն էն։ (Ինքն ալ նմանօրինակ ձայն մը հանելով կ'ընդառաջէ։)

ՏԵՍԻԼ ԵՐՐՈՐԳ

ՆՈՅՆՔ, ԽԱԶԱՏՈՒՐ, ՆՈՒՐ ՀԱՆ Լ ԱՐԱՄ

Ամենքն ալ՝ ապշահար՝ Եկողները կը դիտեն

ԳՐԻԳՈՐ .— Այս ի՞նչ կը նշանակէ... Միւս աղա՞քը ուր են...

ԽԱԶԱՏՈՒՐ .— (Բարկացած։ Ինքնիրեն) Այս տարիքէս վերջ միայն ա՞յս էր պակասը։ (Գլխուն ներմակ փաթարոցը փակելով կը զարնէ գետին ու վրան կը կոխկըտէ։ Միւսները հետաքրքրութեամբ կը նային։)

ՆՈՒՐ ՀԱՆ .— Ի՛նչ որ ալ ըլլայ, մեր կեանքը նախ Արամին՝ եւ յետոյ այս փաթարոցին կը պարտինք։ Այս ճերմակին վրայ դուրդուրալու ենք առ այժմ։ (Ինքն ալ իրը փակելով կը գրպանէ։)

ԴԱԻԻԹ .— Խնդրե՛մ, ընկերներ՛ը, ըսէք թէ ո՞ւր են միւս աղաքը... (Կը մօտեցայ Արամին ու կը փայփայէ։)

ԽԱԶԱՏՈՒՐ .— Մի՛ աճապարէք, եղէ՛ք պաղարին եւ ամեն բան պիտի պատմուի ձեզ։ (Կը նստի։ Միւսներն ալ կը նըստին եւ անոք բերանէն կը կախուրիք։) Շա՛տ վտանգաւոր կացութեան մէջ ենք... Մահացու հարուած մը կսպռնայ մեզ... (ննշուած սրտով) Մտանութի՛ւն...

ԱՄԵՆՔՆ ԱԼ ԿԸ ՅՆՅՈՒԻՆ

ՀՄԱՅԵԱԿ .— Մտանութի՞ւն... բայց որո՞ւ կողմէ։

ԽԱԶԱՏՈՒՐ .— Այո՛, մտանութի՛ւն... եւ մեր ընկերներէն...

ՎԱՂԱՇԱԿ .— (անհամբերօրէն) Ի՞նչ պէս թէ մեր ընկերներէն։

ԽԱԶԱՏՈՒՐ .— Մտիկ ըրէ՛ք։ Մեր որոշման համաձայն զնացինք նախկին վայրը տղայոց հանգիւլելու, ինչպէս ծրագրած էինք՝ նախապէս գիւղին պատուհաս երեք վատերը սպաննելու եւ անկէ վերջ միւս որոշումները դորձադրելու։ Երկար սպասելէ յետոյ, երբ յուսահատ կը պատ-

րաստուէինք մեկնիլ, յանկարծ պատու-
հանէն թուղթի կտոր մը ինկաւ առջեւ-
նիս : Ահաւասիկ այդ թուղթը : (գրպանէն
հանելով Գալիթին կ'երկարէ :)

ԴԱԻԻԹ. — (նամակը բանալով կը կար
դայ բարձրաձայն :)

«Սիրելի ընկերներ ,

«Գոիր Արուբը մեր կեանքերը ծա-
խեց : Ձեր բոլորի կեանքերն ալ ծախ-
ուած են : Խիստ զգուշութիւն... Անմի-
ջապէս վերադարձէք եւ նոր կարգադը-
րուք իւններ ըրէք, մեր ծրագիրը ման-
րամասնութեամբ հաղորդուած է ոստի-
կանապետ Գեմալին՝ այդ վատին կող-
մէ :

«Վերջին համբոյրներն մեր նակատներուն
ՓԱՅԼԱԿ

ՃՆՇՈՂ ԼՈՒՈՒԹԻՒՆ

ԱԲՐԱՀԱՄ. — Վատութեա՛ն, դաւա-
ճանութեա՛ն գլուխ գործոց մը... Ա՛խ, ի-
ժի ծնունդ...

ՀՄԱՅՆԱԿ. — Տեսա՞ք, որ կասկած-
ներս անտեղի չէին այդ վատին նկատ-

մամբ... Դժբաղդութիւն, միշտ դժբաղ-
դութիւն...

ՆՈՒՐ ՀԱՆ. — Արդէն ո՞ր ժամանակ
մատնիչներն ու դաւաճանները անպակաս
եղած են մեր կեանքին մէջ, մասնաւորա-
պէս այսպիսի պարագաներու տակ : Յիշե-
ցէ՛ք մեր ազգի պատմութիւնը, մանաւանդ
Նախարարաց ժամանակ եւ յեղափոխական
գործունէութեանց ընթացքին եւ պիտի
տեսնէք որ այդպիսի վատեր կը վխտան
իրենց սեւ զերերով : Բայց, բարեբաղդա-
բար, երկար չեն կրցած շարունակել իրենց
տխուր դերը, որովհետեւ յեղափոխականի
սրբազան դաշոյնը վերջակէտը դրած է ա-
նոնց սեւ կեանքերուն... :

85-75951

1001

ԼՈՒՈՒԹԻՒՆ ՎԱՅՐԿԵԱՆ ՄԸ

ՅԱԿՈՒ. — Ընկերներ, որքան որ հար-
ուածը ծանր է, բայց բոլորովին անյուսա-
լի վիճակ մը չսպասեր մեզ... Ամեն գործի
մէջ, առաջին անգամ դժբաղդութիւնը եւ
ճախողանքը երեւան կուգան, սակայն ա-
տոնք պատճառ մը չեն եղած որ նպատակ
յաջողութեան համար ծրագիրը ծրագիր
չը մշակուի :



ՎԱՂԱՐՇԱԿ .— Նախ այդ վատին կեանքը մէջտեղէն վերցնելու ենք .— ահա՛ մեր առաջին քայլը :

ՅԱԿՈՒ .— Հարկա՛ւ : Եւ այս անյետաճըգելի անհրաժեշտութիւն մըն է , այլապէս ինչ որ ծրագրենք՝ ջուրը կարող է ձգել այդ սեւ հողին . . .

ԴԱԻԻԹ .— Բայց չքսիք թէ՛ այս նամակը ստանալէ վերջ ո՞ւր գնացիք եւ ինչո՞ւ թրքական այս տարազը կրելու հարկին տակ գտնուեցաք գիշերանց :

ԽԱՉԱՏՈՒՐ .— Մեր ծրագիրը խանգարուելէ վերջ ի՞նչ կրնայինք ընել եւ կամ ո՞ւր կարող էինք երթալ : Հետքերնիս կորսընցնելու համար անցանք Տէրտէրեաննց տունը եւ հոն երկու օր սպասելէ վերջ՝ շնորհիւ Արամի՛ ծպտուելով յաջողեցանք թուրք սահակներու մէջէն անվնաս հոս հասնիլ : Ահա՛ բոլորը :

ԱՅՐԱՀԱՄ .— (Արամին) Արշալոյսի եւ իր ընկերներու մասին տեղեկութիւն մը կըցի՞ր քաղել :

ԱՐԱՄ .— Ո՛չ : Անոնց հետքերը նոյն իսկ անյայտ կը մնան , թերեւս աքսորուած

են . . . Մայրիկս ալ վախնամ աքսորեցին . . . :

ԴԱԻԻԹ .— (շուարած կերպով) Ի՛նչ , մի՞թէ մնացածներն ալ աքսորած են . . .

ԱՐԱՄ .— Այո՛ , երէկ առաւօտ 60 տարեկանէն վեր եղողները միայն թողլով , միւսները ամբողջութեամբ Քէսարիկ լեցուցին , անկէ ալ Մալաթիա ուղարկելու համար . . .

ԳՐԻԳՈՐ .— (դառն կսկիծով) Հայութեան բնաջնջո՞ւմ . . . ահա՛ թուրքին դարաւոր շնական երազը , որ՝ շնորհիւ Գերմանիոյ , կ'իրականանայ այսօր . . . (դառնալով Արամին) Բայց քեզ յանձնուած գործը կատարեցի՞ր :

ԱՐԱՄ .— Այսօր բոլորովին կը վերջացնեմ , այսքան ուշանալուն զոտաճառը ո՛չ միայն արտասովոր հսկողութիւնն է , այլ եւ ոստիկանապետի վտխաբերելը Սուրբ Սարգիս թաղը . . .

ՀՄԱՅԵԱԿ .— Հարկաւ դիւային նոր ծրագիրներ կ'որոճան . . . ի՞նչքան կուզեն թո՛ղ որոճան , Մուհամմէտի խոստացած հուրիներու արքայութիւնը իրենց կսպասէ . . .

(Խուլ որոտում: Խորհրդաւոր լռութիւն: Մեղով շվոց մը կը լսուի եւ յետոյ կատուի մլաւիւն մը: Բռնորը լուռ են: Կըրկին կը լսուի շվոցը՝ այս անգամ աւելի երկար:)

ԱՐԱՄ .— (ուրախութեամբ) *Մայրիկըս է՛... (կը վազէ եւ կը փաթթուի մօրը վզին:)*

ՏԵՍԻԼ ԶՈՐՐՈՐԳ

ՆՈՅՆՔ ԵՒ ԵՂՆԱՐ

ԵՂՆԱՐ .— (ձեռնափայտին կոթնելով) *Բարեւ ձեզ, զաւակներս... ուշացայ, այնպէս չէ՞...*

ԱՄՆԵՔԸ .— (միաբերան) *Բարի եկար, մայրիկ:*

ԴԱՆԻԹ .— *Նստի՛ր, յոգնած կ'երևիս: Բռնորն ալ կը նստին:*

ԵՂՆԱՐ .— (քեօն տակի ծրարը բանալով) *Նախ ասիկա տեղաւորեցէ՛ք, զաւակներս, (տուփով լեցուն վառօդը Դաւիթին երկարելով) խնայողութեամբ գործածեցէք որ շուտ չի հատնի: Հոտը շատ ասորժելի է, կը հաւատամ թէ՛ երկնքի*

Աստուածն ալ պիտի արորժի անկէ: (Իսկ ուրիշ կապոց մ'ալ Գրիգորին երկարելով) Այս ալ պանիր է, փոխանակ չուները ուտելու, դուք անոյշ ըրէք, զաւակներս...

ԳՐԻԳՈՐ .— *Քեզի համար պահէ, մայրիկ, դուն ծեր ես, իսկ մենք՝ երիտասարդ, չոր հացն ալ, եթէ չպակսի, բաւական է...*

ԵՂՆԱՐ .— *Այդ է՞նչ խօսք է, զաւակս, դուք պէտք է ուտէք որ ոյժ ունենաք այդ չուներուն ամբողջն ալ սատկեցնելու: Անոնք մեր մուխը մարեցին (կուլայ)...*

ԱՌՐԱՀԱՄ .— *Մի՛ լար, մայրիկ, մի՛ լար, պիտի դայ ժամանակ մը որ այս խաչելու թիւնը վերջ պիտի դոնէ ու Հայաստան պիտի վերածնի. իսկ այս չուները իրենց գլուխը դնելու տեղ չպիտի դոնեն:*

ԵՂՆԱՐ .— *Ա՛խ, զաւակս, երանի թէ այդ օրը աչքերովս տեսնէի... Այս լացը զիս կը հովարէ, կը մխիթարէ, եթէ չիլամ սիրտս կը բզբտուի... (աչքերը կը սրբէ):*

ՎԱՂԱՐՇԱԿ .— *Ուեէ մխիթարական լուր չունի՞ս, մայրիկ:*

ԵՂՆԱՐ .— *Ո՛ւրկէ պիտի ունենամ, զաւակներս: Ո՞վ է մեր տէրը, մեր վրայ*

մտածողը: Բայց խորհրդաւոր, շատ խորհրդաւոր փոփոխութիւններ կան — որպէս թէ նոր ժողով պիտի գումարուի, նոր հրաման եկած է Պոլսէն, որ սեւէ հայ չպիտի թողուն, ես ի՛նչ գիտեմ, ասանկ հազար ու մէկ խօսքեր: Չաւակներս այս բոլորը յաւ չսպասեցիք ինձ, որքան Գղեր Արուսի մատնութիւնը... (կուլայ) Երկու աչքերդ կուրանար մարդ...:

ԽԱՉԱՏՈՒՐ. — Ըսել է իմացե՞ր ես, մայրիկ:

ԵՂՆԱՐ. — Հարկա՛ւ: Երէկ Մէզերէն շատ բաներ կը խօսէին այդ շանը մասին...

ՆՈՒՐ ՀԱՆ. — Տղայոց մասի՞ն ինչ խօսք, մայրիկ:

ԵՂՆԱՐ. — Հա՛, զաւա՛կս, քեզ մնաց պիտի մոռնայի: Է՛հ, խելք թողուցե՞ր ես այս շաները, միայն չոր հոգի մը կայ, ան ալ շատ կը տեսնեն: (նամակ մը կօշիկին մէջէն հանելով) Այս երկտողը բերած եմ: (կը յանձնէ Դաւիթին:)

ԴԱՒԻԹ. — (բանալով ուշադրութեամբ կը նայի) Մարտիկին գերն է (Աբրահամին տալով) Առ կարդա՛, ես անոր գերը սա՛հուն չեմ կարող կարդալ:

ԱԲՐԱՀԱՄ. — (կը կարդա նամակը):

«Թանկագին ընկերներ՛ր,

«Կ'անապարեմք այս երկտողը ձեզ հասցնել: Պակ վարդապետ և իր խումբը բոլորովին մոռնուած են, ուրեմն անոնց գրած նամակի բովանդակութիւնը միշտ չէ:

«Երկու օր առաջ բանտէն 150 հոգի՛ գիշերանց՝ դրկեցին, երէկ ալ՝ 200 հոգի, Տիգրանակերտ հասցնելու մտօք: Սակայն, մէկ օրուայ նանապարի կտրելէ վերջ, ձորի մը մէջ ոչխարի նման բոլորն ալ կը մոռնան: Ասոնք բերնէն փախցուց գինովութեմէ աչք չի բացող ոստիկան մը, որ այս առաւօտ պահապան կարգուած էր:

«Մեր որոշումն է բանտը հրդեհել յարմար գիշեր մը ու մեզ հետ քաղել նաեւ շատ մը ոմրամիտ քուրքեր:

«Շատերու հետ մեմք ես գոհն ըլլալով մեր կղերականներէն եւ պատուելիներէն ոմանց եւ Գերման միսիօնար Մրեյմանի դաւերուն, կասկած չկայ որ մեզի տարբեր ֆակտագիր չսպասեր, ինչպէս և ձեզ: Ուրեմն չըլլայ որ խաբուիք,

հաստատ կեցե՛ք մեր որոշումին—սըր-
բազան ուխտին վրայ :

«Քաջ եղե՛ք եւ մի վհատիք :»

«Վերջին համբոյր մեր փակատներուն :»

ՄԱՐՏԻԿ ԵՒ ԿԱՐԱՊԵՏ

ՃՆՇՈՂ ԼՌՈՒԹԻՒՆ

ԵՂՆԱՐ .— (աչֆերը սրբելով) Վա՛խ,
զաւակնե՛րս, դուք ալ անոնց ետեւէն պիտի
երթաք, կարծես երթողները քիչ ըլլային...

ՆՇԱՆ .— Պոլսէն հասնող պաշտօնա-
կան հրահանգն է, — Բնաջնջո՛ւմ... Կո-
տորեցե՛ք, ջարդեցե՛ք դուք ոճրագործներ,
բայց չպիտի հասնիք ձեր սեւ նպատակին...

ԵՂՆԱՐ .— Աստուա՛ծս դատաստան ընէ
այդ չուներուն... (մեռները վեր բարձրա-
ցնելով) Երկնաւոր Աստուածը մեծ է, մեզ
չպիտի թողու բոլորովին անպաշտպան...

ՆՈՒՐՀԱՆ .— (քիչ վրդոված) Դեռ
միամիտ հաւատքն ունիս թէ Աստուած մեզ
չէ մոռցեր... Աստուած գոյութիւն չունի
մայրի՛կ... Այդ քու հաւատացած Աստ-
ուածդ այս որքա՛ն խուլ է որ չի լսեր այն
ողբերն ու աղաղակները, որոնք քարերն

խիկ լեզու կը հանեն : (մեռքը գէնփին տա-
նելով) Իրական ու կեանքերու պաշտպան
ճշմարիտ Աստուածը այս է եւ ամեն ազգ
ասոր կը հաւատայ Հիմա, մայրի՛կ :

ԵՂՆԱՐ .— (երեսը խաչակնքելով) Պա-
րապ տեղը մեզք մի՛ գործեր, զաւա՛կս,
վերը Աստուած կայ, եւ մեծ է Ան, ու եր-
բէք չի թողուր որ զինք պաշտողները կո-
րնչին... Այսօր Անիկա չի լսե՛ր, բայց
վստահ եմ որ վաղը պիտի լսէ : Ան է որ
ձեր բազուկները պիտի ուժաւորէ, որ այդ
չուները ջարդէք : (Երկինք նայելով) Ո՛վ
երկնաւոր Հայր, դուն Հայուն արեւը մի՛
խաւարեցներ... Առաջնորդէ այս կըտ-
րիճներուն քայլերը : Մեծ է Քու գորութիւ՛-
նըդ... (կը խաչակնքէ երեսը) :

ԽԱՉԱՏՈՒՐ .— (ակնարկով մը սաս-
տելով Նուրհանը) Այո՛, մայրի՛կ, Աստ-
ուած մեծ է, եթէ հաւատք ունենանք պի-
տի փրկուինք :

ԵՂՆԱՐ .— Հա՛, այդպէս, զաւակնե՛-
րս, ապրի՛ք, շատ ապրիք, Աստուած ձեզ
պահապա՛ն... (ոտքի ելնելով) Շատ ու-
շացայ : Պէտք է շուտով Արամին հետ եր-

Թանք որ փամփուռչաները ատենին հաս-
ցընենք :

ՆՇԱՆ .— Գնա՛, մայրի՛կ, գնա՛ պար-
տականութեանդ ետեւէն, մենք ալ կը պատ
րաստուինք գալիք հարսանիքին, թէեւ
բոլոր հարսնետոբներն ալ ներկայ չըլլան :

ԵՂՆԱՐ .— Տէրը այգպէս կամեցեր է,
զաւակնե՛րս, ի՛նչ կընանք ընել... Բայց
երթալէ առաջ ձեր ուխտը նորեցէք, որ
միասին պիտի մեռնիք կամ միասին ապրիք
...

ԴԱԻԻԹ .— Մենք մեր ուխտը միշտ կը
նորոգենք, մայրի՛կ, դուն հանգիստ խղճով
կընաս մեկնիլ :

ԵՂՆԱՐ .— Չէ՛. այս անգամ ալ կուզեմ
որ ասոր վրայ ուխտէք : (ծոցէն կը հանէ
եռագոյն դրօշ մը, որուն վրայ գրուած է
«ՎՐԵԾ») Արշալոյսի ընկերները պատրաս-
տած էին ասիկա... :

Հիացական արտայայտութիւններ

ԱՄԵՆՔԸ .— (ծունկի վրայ եւ ձեռքե-
րը՝ սուրբումն) Կ'երգնունք այս նուիրա-
կան Դրօշին վրայ որ հաւատարիմ պիտի
մնանք մեր Հին եւ Նոր ուխտին... Կ'երգ-

նունք որ մեր սուրերը չպիտի խնայենք
նոյնիսկ մեր ամենասիրելիին, երբ անի-
կա կը դաւաճանէ մեր ուխտին ու սրբազան
ծրագրին... :

(Դուրսէն զինուորական փողի ձայն)

ՎԱՐԱԳՈՅՐ

ՊԱՏԿԵՐ ԱՌԱՋԻՆ

ՏԵՍԱՐԱՆԸ Է Ս. ՍԱՐԳԻՍ ԹԱՂԸ

(Տարագրեալներու բազմութիւն մը երկսեռաւոր: Հեալէն կը քալեն ծերերը, մանուկները եւ չափահաս օրիորդները: Նորածին մանուկներու նվոց: Խուլ աղաղակներ, մղկտոցներ ամեն կողմէ: Թուրք զինուորներու մտրակներուն ձայնը եւ խենչ հայեայնները կը լսուին: Ումանք կ'իյնան, ումանք կը մահանան, ումանք օգնութիւն կ'աղերսեն ոստիկան-զինուորներուն առջեւ ծնրադրած...):

Ա. ՈՍՏԻԿԱՆ. — (Մտրակը այ ու ձախ շարժելով) *Հայտէ՛, քալեցէ՛ք, շան ձագեր... քալեցէք մինչեւ որ մեր սուրբ կըրօնքը ընդունէք կամ սատկիք...*

ԾԵՐՈՒՆԻ ՄԱՅՐ ՄԸ. — (լացով եւ աղերսանքով) *Էֆէնտի՛, գթութի՛ւն... Ի սէր Աստուծոյ քիչ մը հանգիստ տուէք մեզ... (ուտքը իյնալով) Մեղուցէ՛ք, հոս*

թաղեցէ՛ք, մեր հողին ու ջուրին վրայ...

Բ. ՈՍՏԻԿԱՆ. — (կից մը զարնելով) *Լո՛ւէ՛, շան ձագ... (մտրակ մ'ալ իջեցնելով անոր գլխուն՝ կանցնի) քալեցէ՛ք կըրսեմ ձեզ, շան սրղիններ... (լաց ու աղաղակ իրարանցում):*

Գ. ՈՍՏԻԿԱՆ. — (ջանալով կնոջ մը երեսը բանալ) *Դո՛ւն իմ ս ես, շան աղջիկ, հարէ՛միս զարգը սլտախ ընեմ քեզ, (կիմը կը դիմադրէ) միայն մահը կարող է ազատել քեզ ձեռքէս... (կը ջանայ համբուրել):*

Ա. ՈՍՏԻԿԱՆ. — *Ընկե՛ր, այժմ գեղեցիկները զատելու ժամանակը չէ, քիչ մ'ալ համբերութիւն ունեցիր... Արդէն բոլորն ալ մերն են...*

ԿԻՆ ՄԸ. — (երեխան կրծքին սեղմած՝ գետինը կ'իյնայ) *Պուտ մը ջո՛ւր, Ի սէր Աստուծոյ, պուտ մը ջո՛ւր միայն...*

Բ. ՈՍՏԻԿԱՆ. — (Մայրը զաւակէն բաժնելով՝ կը քաշկուտէ միւս կողմը եւ երեխան ալ կը կոխկուտէ) *Շան լակոտներ, հերիք է այսքան նեղութիւն քաշենք ձեր երեսէն...*

Ա. ԵՒ Բ. ՈՍՏԻԿԱՆՆԵՐ .— (Մտրակները այ ու ձախ շարժելով անխնայ) *Քալեցէ՛ք, իժի ծնունդներ, քալեցէ՛ք, ձեր երեսէն մեր երկիրը քանդուեցաւ...* (լաց, շիւան, աղիողորմ աղաղակ և մտրակներու շառագիւն... կարաւանը կը փալէ՛...)

ՎԱՐԱԳՈՅՐ

ԱՐԱՐՈՒԱԾ ԵՐԿՐՈՐԴ

(Տեսարանն է Խաչերեց տունը, Ս. Սարգիս քաղին մէջ: Իրիկունն է: Ճաշակաւոր կերպով զարդարուած գեղեցիկ սենեակի մը այ անկիւնը կայ գրասեղան մը, վրան քուրք, մելան, գրիչ եւ փոքր զանգակ մը: Պատերէն կախուած են սուրեր եւ գէնֆեր: Քէմալ էֆէնտի պատուհանին առջեւ կանգնած՝ կը դիտէ տարագրեալներու կարաւանը, որ կը փալէ՛ ոստիկաններու մտրակներու տակ կֆած: Կը լսուի ողբի ձայներ...)

ՏԵՍԻԼ ԱՌԱՋԻՆ

ՔԵՄԱԼ ԷՖԵՆՏԻ (միայնակ)

ՔԵՄԱԼ .— *Ուռնացէ՛ք շան պէս, անիծուած ժողովուրդի լակոտներ...* (դիւանին ժպիտ մը երեսին վրայ՝ կը փալէ դէպի գրասեղանը) *Տանջուեցէ՛ք, սատկեցէ՛ք սրպէսզի մեր երջանկութիւնն ու բաղդաւորութիւնը տեւական ըլլան: Ձեր դժբաղ-*

դուրթեան մէջ է մեր երկրին երջանկութիւնը եւ ապահովութիւնը... Օ՛հ, օրհնեալ պատերազմ, եթէ դուն չըլլայիր այն ատեն ո՛չ միայն էֆէնտի չէի կարող ըլլալ, այլ եւ անօթի պիտի մուրայի... (դիւային ժպիտով) Երէկ որ մէկ կին մը իսկ չէի կարող պահել, այժմ 12 գեղեցիկ հայուհիներ պալատիս դարդը կը կազմեն... Երէկ անօթի Քեմալ էի, իսկ այսօր հարո՛ւստ, դիրքի տէր Քեմալ էֆէնտի՛... (գրպանէն բուռով ոսկիները հանելով) Քանի մը ամսուայ ընթացքին հինգ հազար օսմ. ոսկի՛, պալատ մը եւ 12 գեղեցիկ հուրինե՛ր... եւ դեռ քանի՛ քանի՛ հազար պիտի դիզես, Քեմա՛լ... Դիզէ՛, հարստացի՛ր, որքան որ կուզես... պատեհութիւնը շահագործէ, Քեմա՛լ, ո՛վ գիտէ թէ վաղը ի՛նչ կը պատահի:

Ի՛հ, աշխարհը այսպէս է... ոմանք կը բարձրանան, ոմանք կ'իջնան (կերթեւեկէ աջ ու ձախ): Քու բարձրութեանդ ժամն է, Քեմա՛լ, բարձրացի՛ր... (գոռոզ կերպարանք մը կ'առնէ) Ո՞վ կարող է ծուռ աչքով նայիլ քեզ այսօր... Ես անոր խե՞րը կ'անիծեմ, ես ալ եւս այն աննշան, անօթի

Քեմալը չեմ, հարուստ եւ էֆէնտի Քեմալն եմ: Եւ ինչո՞ւ չէ, այսօր էֆէնտի, վաղը փաշա, եւ ո՞վ գիտէ թէ Սուլթան ալ չպիտի ըլլամ օր մը... (իմքնամոռացութեան մէջ՝ յիմարական ձեւեր):

Աշխարհը դժակ է, կ'ըսեն, Քեմա՛լ, իսկ մենք ապրողներս՝ դանակ, որքան շատ կտրենք այնքան շատ բաժին կ'ունենանք: Եւ այժմ կտրէ՛, Քեմա՛լ, կտրէ՛ որքան չես կշտացեր, ո՛չ ոք հաշիւ կը պահանջէ, ո՛չ մէկը կրնայ մեղադրել քեզ, թէ ինչո՞ւ կը կտրես, չէ՞ որ բոլո՛րն ալ, բոլորն ալ կը գողնան, կը դիզեն ու հաշիւ համար չեն տար... Ե՞ս ինչու օսմ. դահին համար պիտի մտահոգուիմ, կամ թէ անոր դատարկ գանձին համար աշխատիմ... Երբ դահին տէրը չմտահոգուիր, ի՞մ ինչուս պէտք... (փանի մը վայրկեան լուռ մտածումներու մէջ):

Բայց չէ՛, Քեմա՛լ, չափդ ճանչցիր, այս բարձրացումդ քու խելքիդ եւ հնարամտութեանդ արդիւնքը չէ, այլ այն հայուն, որ յեղափոխականներու գաղտնիքը տուաւ... դարձեալ այն քոսոտ հայուն

չնորհիւ պիտի հարստանաս եւ կրկին պաշտօնի բարձրացում ձեռք բերես... Օ՛հ, եթէ կարենամ միւս գաղտնիքն ալ խոստովանցնել տալ, այն ժամանակ փաշայութեան տիտղոսը շա՛տ հեշտութեամբ կըրնամ գրսրանել...

Կեանքի ապահովութեան խոստում եւ դրամական վարձատրութի՛ւնը, ահա՛ այդ հայուն խելքը գլխէն թոցնելիք բաները... (Քանի մը վայրկեան կրկին լուրբիւն) հը՛, (հմծիծաղ) մի՞թէ Քեմալը այնքան ալ յեմար է որ ամբողջ գաղտնիքին տեղեակ ըլլալէ վերջ ողջ թողու այդ հայը: Չէ՛, այդպիսի յիմարութիւն դործելու ընդունակ չեմ, իր Ազգին եւ Հայրենիքին դաւողը իմ կեանքիս աւելի՛ հեշտութեամբ կը դառնայ...

Բայց առ այժմ լուրթի՛ւն, Քեմա՛լ, նոյն իսկ ո՛չ մի կասկած: Շողոքորթել, դրամ ցոյց տալ, ահա՛ դործդ, Քեմա՛լ, որ կարենաս նպատակիդ հասնիլ:

Կեանքի սանդուխներէն դէպի վե՛ր, Քեմա՛լ, շա՛տ վեր բարձրացիր արձակ համարձակ, բարդէ ասոնց վրայ (գրպանի գրամներուն ձայնը հանելով) որքա՛ն որ

կրնաս: (գանգալը կը գարնէ ու կսկսի գրբիլ՝ գրասեղանին առջեւ նստելով:) Օ՛հ, ոսկի պատեհութի՛ւն...

ՏԵՍԻԼ ԵՐԿՐՈՐԴ

ՆՈՅՆ ԵՒ ՔԵՐԻՄ

ՔԵՐԻՄ. — (մինչեւ գետին խոնարհելով) Հրամայեցէ՛ք, տէր իմ:

ՔԵՄԱԼ. — (գրելը առանց ընդհատելով) Եթէ Գղբր Արութը եկած է, ներս բեր անմիջապէս:

ՔԵՐԻՄ. — Գլխուս վրայ, տէր իմ: (կը մեկնի գլուխ տալով):

ՔԵՄԱԼ. — (գրութիւնը ծալելով պահարանին մէջ կը դնէ ու կը գոցէ.) Այս գրութիւնը վաղո՛ւց հասած ըլլալու էր հազարապետին... Երջանի՛կ օրեր...

ՏԵՍԻԼ ԵՐԿՐՈՐԴ

ՆՈՅՆ ԵՒ ԳՉԻՐ ԱՐՈՒԹ

ՔԵՄԱԼ. — (Տեսնելով գզիբը դրան սեմին վրայ) Եկո՛ւր, սիրելի Գղբրս, քո ծառայութեան մասին արդէն երկար գրեցի

այս նամակին մէջ (ցոյց կուտայ պահա-
րանք) :

ԳԶԻՐ ԱՐՈՒԹ. — (մինչեւ գետին խո-
նարհելով) Շատ շնորհակալ եմ, էֆէնտի՛,
ձեր բարեսրտութեան համար: Եթէ ձեզ
նմանները չըլլան՝ հարկաւ ինձ նման ըս-
տրուկները չեն կարող ապրիլ: Մենք հա-
յերս՝ որ օր արեւ տեսած ենք, եւ եթէ տա-
կաւին պիտի տեսնենք՝ օամ. մեծագոր կայ-
սրութեան շնորհիւ է: Մեզի ո՛չ Ռուսը օ-
գուտ ունի, ո՛չ Ֆրանսան, ո՛չ Անգլիան եւ
ո՛չ ալ միւսները... (էիչ մը հեռուն ծուկի
վրայ կը չոփի) :

ՔԵՄԱԼ. — (Ձանգակը գարնելով) Շա՛տ
ճիշտ խօսեցար, Գզի՛րս: (Քերիմ ներս կը
մտնէ: Նամակը տալով Քերիմին) Տասնա-
պետ Հասանը այս նամակը թո՛ղ անմիջա-
պէս Հաղարապետին հասցնէ: (Քերիմ նա-
մակը ստնելով կը խոնարհի ու դուրս կել-
նէ): Երանի թէ՛՝ բոլորն ալ քեզ նման խե-
լացի եւ հաւատարիմ ըլլային: Բայց շա՛տ
չատեր ապերախտ են, օամ. մեծագոր կայ-
սրութեան դէմ կը դաւեն, ինչպէս ձեր
գիւղացիները...

ԳԶԻՐ ԱՐՈՒԹ. — Բայց այդպիսիներն

ալ իրենց արժանի պատիժը կստանան,
էֆէնտի՛, ինձ նման հաւատարիմ ծառանե-
րը չեն թողուր որ այդ յիմարները իրենց
խելքին փչածները ընեն:

ՔԵՄԱԼ. — Ապրի՛ն, շատ ապրին քեզ
նմանները... Իրաւ որ եթէ ձեզ նմանները
մեզ արթուն չպահէին, այդ ապերախտ-
ները օամ. դահը վաղո՛ւց խորտակեր էին:
Ձարմանալի ժողովուրդ է ձեր Ազգը,
Գզի՛ր, այսքան տառապանքներէ վերջ տա-
կաւին կ'ապրի եւ թագաւորութեան ալ կը
ձգտի: Ի՛նչ յիմարութիւն...

ԳԶԻՐ ԱՐՈՒԹ. — Կ'ապրին ալ նէ՛
դարձեալ ամենագոր Սուլթանին շնորհիւն
է, դուն ալ այդպէս չե՞ս խորհիր, էֆէնտի՛:

ՔԵՄԱԼ. — Հարկա՛ւ, հարկա՛ւ:
(լուրբիւն: Խօսքը փոխելով) Հա՛,
այգէկ միտքս ինկաւ, այն տղոց մասին պի-
տի խօսէիր այսօր...

ԳԶԻՐ ԱՐՈՒԹ. — Որո՞չ տեղեկութիւն
մը չկրցի քաղել, էֆէնտի՛:...

ՔԵՄԱԼ. — (Շողոքոքով ձեռով մը)
Գուն ամե՛ն բան գիտես, Գզի՛ր, բայց
երեւի չես հաւատար իմ խոստումիս, հա՞:

ԳԶԻՐ ԱՐՈՒԹ. — Քա՛ւ լիցի, էֆէնտի՛,

այդպէս բան մտքէս իսկ չեմ անցներ: Մի-
այն կը վախնամ... եթէ գիտնա՞ն, ողջ չեն
թողուր զիս:

ՔեՄԱ. — Այդ մասին վստահ եղիր,
քու մազիդ դպչող իսկ չըլլար: (Բաակը
բանալով) Ահա՛ մէծիս մ'եւս, ասիկա ալ
իմ անձնական քսակէս է...

ԳԶԻՐ ԱՐՈՒԹ. — (Քեմալի ձեռք
համբուրելով դրամը կտունէ) Շատ չնոր-
հակալ եմ, էֆէնտի՛, որ կեանքիս մասին
կը մտածես: Արդէն դուն գիտես որ ես
գրամի համար չեմ ըներ այս ծառայու-
թիւնը, այլ մեծագոր Սուլթանին հաւա-
տարմութեանս սպացոյցը տալու միայն:

ՔեՄԱ. — Այդ մասին ես կասկած
չունիմ: Այժմ ըսէ միւսներուն տեղը՝ ա-
ռանց վախի:

ԳԶԻՐ ԱՐՈՒԹ. — (վախկոտ եւ կաս-
կածոտ ակնարկ մը ձգելով շուրջը) Վարի
աղբիւրին մօտի տան մէջ են՝ նպատակ
ունին Մէգրէէն եկող օսմ. քաջարի զին-
ուորներուն դաւել...

ՔեՄԱ. — (շուարուն եւ վախկոտ ար-
տայայտութիւն)...

ԳԶԻՐ ԱՐՈՒԹ. — (աւելի համարձակ)
Զեր կեանքն ալ վտանգի տակ է, էֆէն-
տի՛...

ՔեՄԱ. — (վախէն շանքահար) Ի՞նչ
կ'ըսես, Գզի՛ր, սխալած է՛լլաս...

ԳԶԻՐ ԱՐՈՒԹ. — Ի՛նչ որ կ'ըսեմ ճշ-
մարիտ է, էֆէնտի՛, քանի որ ես ժողովին
ներկայ էի, երբ այս բոլորը որոշուեցաւ:

ՔեՄԱ. — (դուր ցոյց չտալով) Զիս
ալ կուզեն սպաննել, հա՞...ես անոնց խե՞-
րը կանխեմ... (լուրբիւն պահ մը) Հա-
զարաւորներու զիակներուն վրայէն քալող
Քեմալը անոնց ալ սեւ զիակներուն վրայէն
կրնայ անցնիլ... (ոտքի վրայ կ'երթեւե-
կէ) Սպասեցէ՛ք վատեր, ես կը սորվեցնեմ
ձեզ... (գրասեղանին առջեւ նստելով դո-
ղալէն կը գրէ:) Այդ վատերուն չուտով
հասկցնելու եմ թէ՛ իրենց գործը որո՞ւ
հետ է: (գանգալը կը գարնէ) Վաղը առա-
ւօտ կը տեսնուի՞նք...

ՏԵՍԻԼ ՉՈՐՐՈՐԳ ՆՈՅՆՔ ԵՒ ՔԵՐԻՄ

ՔԵՐԻՄ. — (լսոնարիւնով) Հրամե-
ցէ՛ք, տէր իմ: (լսոժոռ նայուածքով կը
դիտէ Գզիրը):

ՔԵՄԱԼ. — Այս երկտողը Մուսթաֆան շուտով թո՛ղ հեռագրէ հազարապետին: Պատասխանը ինչ ժամանակ որ ստանայ՝ թո՛ղ ինձ հասցնէ: (Քերիմ քուղքը առնելով կը մեկնի) Վայ ի՞ժի ծնունդնե՛ր... Երեւի պիտի յաջողիք մեր առնը քանդել:

ԳՋԻՐ ԱՐՈՒԹ. — Մխամիրտ Եղիր, էֆէնտի՛, ձեր ծառան թոյլ չպիտի տայ որ այդ յիմարները իրենց նպատակին հասնին:

ՔԵՄԱԼ. — Բայց ասոնք դուրսի հետ ի՞նչպէս յարաբերութիւն կը պահեն, Գըղի՛ր, որ ամեն ինչ կիմանան ինձմէ շուտ:

ԳՋԻՐ ԱՐՈՒԹ. — Ամեն բան իմացնողն ու անոնց պէտքերը հոգացողը այն խոֆած կիներն է—Եղնարը:

ՔԵՄԱԼ. — (գարնացական ձեւով) Տիկին Պարսամեա՞նը, որու սիրելիները իր աչքին առջեւ սատկեցուցի...

ԳՋԻՐ ԱՐՈՒԹ. — Այո՛, այդ կիներն է: Իր խելքովը վրէժ լուծել կուզէ քեզնէ:

ՔԵՄԱԼ. — Վա՛յ շան որդի... Երեւի իրեն ալ լա՛ւ դաս մը պէտք է տամ, որ յաւիտեան չմոռնայ: (գանգակը կը գարնէ: Քերիմ ներս կը մտնէ խոնարհելով)

Շուտով Ահմէտին ըսէ որ այն յիմար կինը վաղը առաւօտ ինձ մօտ բերէ, արեւը դեռ չծագած...

ՔԵՐԻՄ. — Ո՞ր կինը, տէր իմ:

ՔԵՄԱԼ. — (սրտնեղած) Եղնար է ինչ զեհիւր է...

ՔԵՐԻՄ. — (շուարելով)...

ՔԵՄԱԼ. — (սպառնական) Դեռ կանգնած ես, յիմար արարա՛ծ, տիկին Պարսամեանը չե՞ս գիտեր, այն զառամածը... (Քերիմ դողալիս դուրս կը ցատկէ:) Գըղիւր Արու՛թ, քու ծառայութիւնդ շատ եղաւ օսմ. մեծագոր զահէին: Վստահ եղիր որ լիովին պիտի վարձատրուիս, եթէ ողջ մնացիր...

ԳՋԻՐ ԱՐՈՒԹ. — (էծանալով) Մեծապէս շնորհակալ եմ, էֆէնտի: (ոտքի ելնելու փորձ կ'ընէ:) Ուշացայ...

ՔԵՄԱԼ. — (ժամացոյցը նայելով) Օ՛հ, կէս գիշեր եղած է գրեթէ (երկուքն ալ ոտքի վրայ): Ուշ ատեն տուն վերադառնալը վտանգաւոր է. Գըղի՛րս: (ուսը շոյելով) Սենեակս ընդարձակ է. մէկ անկիւնը քեզ բաւական է հանգիստ քնանալու... հայտէ

նայիմ, Գզի՛րս, երկուքս ալ բաղդաւոր
աստղի տակ ծնած ենք...

(Սեմեակի դռնէն դուրս ելած միջոցին,
սեւ կատու մը ներս կը սպրդի:)

ԱՔԱՂԱՂԻՆ ՁՍՅՆԸ ԿԸ ԼՍՈՒԻ

ՎԱՐՍԳՈՅՐ

ՊԱՏԿԵՐ ԵՐԿՐՈՐԴ

ԵՐԿՐՈՐԴ ԱՐԱՐՈՒԱԾԻ ՏԱՆ

ՆՆՋԱՍԵՆՆԵՍԿՆԵՐԷՆ ՄԻՆ

(Սեմեակը խաւար է: Աջ կողմը կայ
Քեմալին մահնակալը. իսկ ձախ անկիւ-
նը՝ Գզիրինը: Երկուքն ալ լսոք քնոյ մէջ:
Ա. Բաղդալին ձայնը երկրորդ անգամ կը
լսուի:)

ՏԵՍԻԼ ԱՌԱՋԻՆ

ԴԱԻԻԹ ԵՒ ՀՄԱՅՆԱԿ ՁԻՆՈՒԱԾ ՆԵՐՄ

ԿԸ ՄՏՆԵՆ

ԴԱԻԻԹ. — (կամաց մը) *Անպիտան ա-
բաղաղը կարծես մեզ մատնել կը ջանայ:*
(ականջ տալով) *Քնած են: Ձգուչութեամբ
ճրագը վառէ:*

ՀՄԱՅՆԱԿ. — (նրագը կը վառէ եւ
չորս կողմը դիտելով կանգ կ'առնէ Գզիրին

գլխուն վերել: վերմակը կամաց մը բար-
ձրացնելով) *Փնտրածս է, դաւածան Գզի-*
րը՝...

ԴԱԻԻԹ. — (նոյնպէս կանգնելով
Քեմալի գլխուն վերել, զգուշութեամբ
կը դիտէ) *Մեր գիւղին դահիճը այս ալ,
չան ծնունդ ֆեմալը: Գործի ուրե՛մն...*
(դաշոյնը հանելն ու Քեմալի կուրծքը խը-
րելը ակնքարքի մը մէջ կը կատարէ)
Սասկի՛ր, հայակեր ճիւղ...

ՀՄԱՅԵԱԿ. — (ինքն ալ՝ միեւնոյն ա-
բագութեամբ՝ իր դաշոյնը կը խրէ Գզիր
Արութի կուրծքը:) *Այս է քու վարձատրու-
թիւնդ, մատնիչ-դաւածա՛ն...*

Մահամերձ հոնդիւններ

ԴԱԻԻԹ. — (լայն շունչ մը փաշելով)
*Օ՛ֆ, հոգիս հանդստացաւ... Հիմա եր-
ջանիկ եմ...*

ՀՄԱՅԵԱԿ. — (դաշոյնի ծայրէն կաք-
կքած արիւնը ըմպելով) *Այրած սիրտս
այս արիւնը միայն կրնայ զովացնել...*
Երթա՛նք, Դաւի՛թ... (երթալու պահուն
նտնաձայն մը կը լսուի) *Սպասէ՛, մարդ
կուզայ դիտես թէ...*

ԴԱԻԻԹ. — (ականջ կուտայ: Ոտքի

ձայնը աւելի ամուր կը լսուի:) *Շուտով
ճրագը մարէ եւ այդ անկիւնը կծկաիր*
(աջ անկիւնը ցոյց կուտայ: Ինքն ալ ձախ
անկիւնը կը տեղաւորուի:)

ՀՄԱՅԵԱԿ. — (կամաց մը) *Կամ մենք
իրեն կերակուր կ'ըլլանք, եւ կամ ինք մե-
զի...*

Ճնշող լուսիւն

Ա. Բաղդադը երրորդ անգամ կը ձայնէ

ՏԵՍԻՆ ԵՐԿՐՈՐԴ

ՆՈՅՆՔ ԵՒ ՔԵՐԻՄ

ՔԵՐԻՄ. — (ձեռքը հեռագիր մը բռն-
ած ներս կը մտնէ:) *Էֆէնտի՛, էֆէնտի՛...
(վայրկեան մը վերջ ինքնիրեն) Այս ե՛րբ
քնացան. տակաւին քիչ առաջ լոյսը կը
վառէր: (աւելի բարձր) Էֆէնտի՛, հագա-
րապետէն հեռագիր կայ... (լուսիւն...)
Այս որքա՛ն խորունկ քուն... (նրագը կը
վառէ, բայց ձեռքին հեռագիրը վար կիյ-
նայ... կրկին առնելու պարագային արիւ-
նաշաղալս դիակները երբ կը տեսնէ գետին՝
սարսափահար կը ճչէ ու փախչելու փորձ
կ'ընէ: Դաւիթ ու Հմայեակ վրան կը յար-*

ձակիճն եւ վայրկեանէ մը կը դաշունահարեն...)

ԴԱԻԻԹ. — Սառկի՛ր դուն ալ, շան ծնունդ... (Հմայեակիճն) Անցի՛ր, անիկա Մուհամէտի գերկը հանդէնցաւ արդէն...

ՀՄԱՅԵԱԿ. — (գետնէն հեռագիրը վերցնելով կը գրպանէ ու Դաւիթիճն հետ դուրս կը խոյանան: Հեռուէն Մուհամէտի աղօթածայնը կը լսուի:)

«ԱԼԼԱՍ՝ Հ ԷՔՊԷՐ, ԱԼԼԱՍ՝ Հ ԷՔՊԷՐ...»

ՎԱՐՍԳՈՅԸ

Ն Ո Ի Է Ր

ԽՈՐՀՐԴԱՅԻՆ ՀԱՅԱՍՏԱՆԻ
ՄԱՏԵՆԱԴԱՐԱՆԻՆ

ՄԱՐՏԻՐՈՍ Յ. ԴԱԻԻԹԵԱՆԷ
Մ.Յ.Մարտունի, Մարտակ-Առիւծ
Մալաթիացի

ԱՐԱՐՈՒԱԾ ԵՐՐՈՐԴ

ՏԵՍԱՐԱՆՆ Է ԿԱՌԱՎԱՐԱԿԱՆ ՊԱՇՏՈ-
ՆԱՏՈՒՆԸ ՄԱՄՈՒՐԷԹ-ԻՒԼ ԱԶԻԶ

(Ընդարձակ սենեակ մը, կահաւորուած կէս ասիական եւ կէս եւրոպական նաշակով: Արեւելեան եւ հիւսիսային կողմերը պատուհաններ: Պատերէն կախուած են Սուլթան Բաշիտի, Էնվերի, Թալեաթի, Ճէմալի, Ահմէտ Բիգայի մեծադիր նկարները: Մէջ տեղը գրասեղան, որու վրան քափուած կան լրագիրներ, նամակներ, հեռագիրներ, ակերագրեր եւայլն: Գրասեղանին շուրջը բոլորուած են Ֆէյմի, Ջէֆի, Վէհպի եւ Ապիտ, վերջինը ոտքի վրայ: Իսկ կատաղի վագրի նման կ'երթեւեկէ Զապիթ Պէյ: Դուրսը տեղատարափ անձրեւ, փոքորիկ, կայծակ եւ մերթադրում:)

ՏԵՍԻՆ ԱՌԱՋԻՆ

ԶԱՊԻԹ ՊԷՅ, ՖԷՅՄԻ ԷՅ., ԶԷՔԻ ԷՅ.,

ՎԷՀՊԻ ՊԷՅ ԵՒ ԱՊԻՏ

ԶԱՊԻԹ ՊԷՅ.—(կանգ առնելով: Գրագրին) Կարդա՛ եւ միւս հեռագիրը...:

ԱՊԻՏ.—(ուտփի վրայ է արդէն: Սեղանին վրայ դնելով ձեռքի թուղթը, կը վերցնէ հեռագիրը եւ կը կարդայ:)

«Մօրէնիկ գիւղ»

«Վսեմափայլ տէ՛ր,

Ըմբոստներու մեծ բանակ մը կապառնայ մեզ բնաջնջելով քաղի Մէգրէի վըրայ: Շուտով օգնութի՛ւն...»

«ՔԵՄԱԼ»

ԶԱՊԻԹ ՊԷՅ.— Կարդա՛ եւ այսօրուայ եկած նամակը:

ԱՊԻՏ.—(հեռագիրը դնելով գրասեղանին վրայ՝ նամակը կը վերցնէ եւ կսկսի կարդալ):

«Մօրէնիկ գիւղ»

«Վսեմափայլ տէ՛ր,

«Նրէկ գիշեր սպաննուեցան ոստիկանապետ Քեմալ էֆէնտին եւ Գգիր Արուքը:

Ըմբոստներու թիւը օրէ օր կ'անի: Մեծ Մարգարէին հաւատացեալներուս կեանքը վտանգի տակ է եւ մեր քաջարի զինուորները ենթակայ են ամեն անարգանքի: Գրքութի՛ւն կը հայցենք:»

«Ձեր ամենամուստ ծառաներէն՝
«ԵՍԼԻԼ, ՔԵՐԻՄ՝, ՄՍՀՄՈՒՏ»

ԶԱՊԻԹ ՊԷՅ.— Ա՛լ բաւական է. միւսները կարգալու հարկ չկայ...:

ԱՊԻՏ.—(կը նստի ու կսկսի արագ արագ արտագրել նամակները: Վայրկեան մը ննջող լուսքիւն: Զապիթ Պէյ երբեւեկը շարունակէ եւ մերթ ընդ մերթ կատաղի նայուածքներ կ'ուղղէ Զէֆի էֆէնտիի...)

ԶԱՊԻԹ ՊԷՅ.—(կանգ առնելով) Այսպէս, հա՞, Զէքի էֆէնտի՛, այսպէ՞ս կը գործադրես քեզ տրուած հրահանգները... Ականջիդ տակ ըմբոստութիւն կը կատարուի, Ոստիկանապետը եւ զիւղին հաւատարիմ Գղիբը կսպաննուին եւ դուն տակաւին այդ զիւղը քար ու քանդ չես ընէր... (լուսքիւն) Դեռ անցեալ օր հպարտութեամբ կը յայտարարէիր թէ՛ մէկ հատ Հայ երիտասարդ մնացած չէ...:

ԶԷՔԻ ԷՅ.—(անհամարձակ կերպով)

Այդպէս է արդէն, Փաշա էֆէնտի՛, բացի 60 տարեկաններէն եւ երեսնաներէն ո՛չ ոք թողուած է, բոլորն ալ, Պոլսէն հաղորդուած հրահանգներու համաձայն՝ աքսորուած են...

ՁԱՊԻԹ ՊԷՅ. — (կատաղութիւնը զըսպելով) Հասպա այդ օձերու ծնունդները ո՞ւրկէ բուսան... Ուրո՞նք կատարեցին այդ սպանութիւնները եւ այսօր կսպանան մեր կեանքին... Եթէ մեր քթին տակ, Մօրէնիկի մէջ ասանկ դէպքեր կը պատահին, հասպա քիչ մը հեռուոր եւ խոշոր դիւղերու մէջ ինչե՛ր չեն կատարուեր... (խոժոռ դիտելով) Կառավարութեան հացը կուտէք եւ կրկին ապերախտ կը դըտնուիք հանդէպ անոր: Ամօ՞թ է, ամօ՞թ...

ՁԷՔԻ ԷՖ. — (խիստ վիրաւորաւ) Սխալմունք մը ըլլալու է, Փաշա էֆ: Ինծի բոլորովին անհաւատալի կը թուի այդ հեռագրին եւ նամակին պարունակութիւնը: Ես նորէն կը պնդեմ, որ շնորհիւ մեծն Գերմանիոյ ներկայացուցիչ Մը. էյմանի, այդ գիւղին թէ՛ երիտասարդները հաւաքուեցան ատենին եւ թէ՛ գէնքերը... Ասկէ գատ, եթէ ըլլան ա՛լ, անոնք կառավա-

րութեան աչքին առջեւ չեն համարձակիր զլուրս վերցնել...:

ՎԷՀՊԻ ՊԷՅ. — Կամ այն է որ դիտմամբ կ'անդիտանայ Ձէքի էֆէնտին եւ կամ շա՛տ միամիտ է, Փաշա էֆէնտի: Այդ վատերը որքան ջարդենք, այնքան կը բազմանան: Ասոր ապացոյցը մէջ տեղն է: Վեց հարիւր տարիներէ ի վեր կը ջարդուին, կը թալանուին եւ սակայն կան ու այսօր ալ կը ջանան Օսմ. մեծագոր կայսրութիւնը տապալել՝ իրենց հին վառքը վերականգնելու ցնորքով: Ես վստահ եմ, Փաշա էֆէնտի, որ իւրաքանչիւր գիւղի մէջ դեռ պահուած կան շատ մը հայեր, որոնց նպատակն է կոտորել իսլամները երբ Ռուսը սոք կոխէ այս հողամասին վրայ, ինչպէս ըրին Վանի հայերը...:

ՁԷՔԻ ԷՖ. — (համարձակօրէն) Ես դարձեալ կը պնդեմ որ չափազանցութիւն կայ այս գործին մէջ: Եթէ քանի մը Հայ երիտասարդներ պահուած ալ ըլլան, վախ չկայ: Խորհեցէք անգամ մը, Փաշա էֆէնտի, ի՞նչ պիտի կրնան ընել անոնք, երբ գմելի մը անգամ չթողուցինք տուները... մի՞թէ մեզ համար ամօթ չէ որ վախ զգանք

այդ քոսոտ հայերէն...: Նոյն իսկ մեր արժանապատուութեան դէմ է, քանի մը հայերու համար այսպէս իրար անցնինք եւ արտասովոր ժողով դումարենք...:

ՖէՅՄի ԷՖ.— Ինչքա՛ն կը մեղքանաք այդ ազգին վրայ, Չէքի էֆէնտի՛, երեւի այդ է պատճառը որ ձեզ տրուած հրահանգները անտեսած էք: Այս ըսածիս ապացոյցները չեն պահտիր դժբաղդարար:

Չէֆի ԷՖ.— (Եւոժոռ նայելով դէպի Ֆէյմին) Ես ինձ հազորդուած հրահանգները դործադրած եմ խղճիս թելադրութեան եւ Հայրենիքիս շահի համաձայն: Ասկէ տարբեր կերպ չէի կարող վարուել...:

ՎէշՊի ՊէՅ.— Կամաց-կամաց մենք ինչ յայտնի պիտի ըլլայ, Փաշա էֆէնտի՛, մեր մէջ այդ վատ ազգը պաշտպանողներ ալ կան եղե՛ր...:

ՉԱՊիԹ ՊէՅ.— Եթէ վաղուց բնաջնջուած ըլլային այդ վատերը, հիմա այս դժուարութիւններէն ազատած կ'ըլլայինք... Անպարտաճանաչ պաշտօնեաներու երեսէն չէ՞ որ այսքան տուժած ենք... (կը նստի իր տեղը):

Չէֆի ԷՖ.— Փաշա էֆէնտի՛, չարժեր մեր ժամանակը վատենք չըրտի հայերով. պէտք է ամենակենսական հարցերով զբաղինք: Մեր հայրենիքին սպառնացող իրական վտանգը թողած ենք ու երեւակայական վտանգի մը մտահոգութիւնը կը քաշենք: Մենք յաճախ իրերը իրենց մակերեւոյթէն կը դատենք, ի՛նչ որ սխալ է... Ես օսմանցի եմ եւ օսմանցի պիտի մնամ, հետեւարար իմ Հայրենիքս եւ Ազգս ամենէն շատ կը սիրեմ... Եւ որովհետեւ կը սիրեմ Օսմ. հայրենիքը, ուրեմն կը փափաքէի որ մեր հպատակները ապրէին, որովհետեւ անոնք գրաստի նման կ'աշխատէին, կ'արտադրէին որ մենք ալ հանդիստ կը վայելէինք... Ի՞նչ շահեցաւ մեր Հայրենիքը եւ ո՞րքան օգտուեցանք մենք անոնց բնաջնջումով... Ո՛չինչ: Տարի մը չկայ պատերազմի մտնելիս, ահա ժողովուրդը եւ բանակը սովամահ վիճակի հասած է, ինչու որ աշխատող ձեռքերը կոտորեցինք... Կը կարծեմ որ սխալ մը գործուեցաւ...:

ՉԱՊիՏ ՊէՅ.— (բարկացած) Ի՞նչ փաստեր ունիս այդ ըսածդ հաստատող:

Այդ վատերուն երեսէն չէ՞ որ այսօր այս վիճակին հասած ենք: Այսօր, ինչպէս յայտ նի է, Մեծն Գերմանիոյ և Աւստրիոյ չընորհիւ, ի վիճակի ենք մեր անցեալ վատքը վերստեղծելու: Միթէ՞ ասիկա փոքր յաղթանակ մըն է: Եթէ կը տարակուսիս, ահա՛ այսօրուայ ստացուած յթերթերը, (գրասեղանին վրայէն հատ մը առնելով կ'երկարէ Ձեքիին):

Ձեքի էջ. — (Բաղաբալարութեան համար միայն կ'առնէ) Ես մեծ արժէք մը չեմ տար այս լուրերուն, Փաշա էֆէնտի: Ռազմական թաքթիքներ են այս բոլորը, որոնք իրականութեան մօտիկ չեն: Ապացոյց՝ որ Ռուսը մէկ կողմէն կը յառաջանայ ներս, միւս կողմէն՝ Անգլիան, իսկ երրորդ կէտի մը՝ Ֆրանսան եւ Իտալիան:

ՖէՅՄի էջ. — Բայց ինչո՞ւ կը մոռնաք որ մեծն Գերմանիա յաղթական է Պալքաններու մէջ եւ Ֆրանսական հողին վրայ: Միթէ՞ անոր յաղթանակը մերը չէ:

Ձեքի էջ. — Ի սրտէ կը փափաքիմ որ մենք յաղթանակենք, Օսմ. փառապանծ դրօշը ծածանի նաեւ Եւրոպայի մէջ, սահայն... (կը լռէ):

ՁԱՊԻԹ ՊէՅ. — Երեւի պարտութեան մը վախն է, որ քեզ կ'ստիպէ հայերը սիրաշահել, մեր Հայրենիքի այդ ամենամեծ թշնամիները... Հայրենասիրութիւնը տարբեր բան կը պահանջէ, Ձէքի էֆէնտի...:

Ձեքի էջ. — Իմ խօսքերուս մէջ հայերու պաշտպանութեան ո՛չ ինչ կար, Փաշա էֆէնտի: Կը ցաւիմ որ սիսալ կը հասկցուիմ միշտ...:

ՖէՅՄի էջ. — Եթէ այդպէս չէ, հայա ի՞նչպէս դեռ կը մնան հայ երիտասարդներ Մօրէնիկ գիւղին մէջ եւ մեր պաշտօնեաները կսպաննեն... Այս հանելուկը ի՞նչպէս կը մեկնէք...:

Ձեքի էջ. — Ձեմ փափաքիր որ հայրենասիրութիւնս կասկածի տակ դրուի, Փաշա էֆէնտի: Պալքանեան ռազմարեմիքարերն ու ձորերը, եւ դեռ ապրող Օսմ. քաջարի զինուորները վկայ են հայրենասէր մը ըլլալուս...:

(Չանգալի ձայն)

ՏԵՍԻԼ ԵՐԿՐՈՐԴ

ՆՈՅՆՔ ԵՒ ՈՍՏԻԿԱՆ ՄԸ

ՈՍՏԻԿԱՆ. — (ներս մտնելով եւ խոնարհելով) Փաշա էֆէնտի', հարիւրապետ Հիւսէնը վաշտը ճամբայ հանելէ առաջ հազարապետ Ձէքի էֆէնտիի հրահանգներուն կոպատէ :

ՁԱՊԻԹ ՊԷՅ. — Պէտք եղած հրահանգները տալէ վերջ շուտով վերադարձէք, Ձէքի էֆէնտի :

ՁԻՔԻ ԷՅ. — (ոտքի վրայ) Հայրենիքիս եւ խղճիս ձայնին ծառայելու միշտ պատրաստ եմ, Փաշա էֆէնտի (կը մեկնի) :

ՁԱՊԻԹ ՊԷՅ. — Ձէքի էֆէնտիի անկեղծութիւնը կասկածի տակ կ'երեւի... (Ապիտիւն) Անմիջապէս լրտեսապետին իմաց տուր որ հազարապետին քայլերը եւ գործերը լրտեսուին (Ապիտ կը մեկնի) : Երեւի դաւաճաններով պիտի շրջապատուինք... :

ՎԷՀՊԻ ՊԷՅ. — (գոհունակ երեւոյթով) Եթէ փաստեր ալ չըլլան իր անկեղծութիւնը կասկածի տակ դնող, Մօրէնի-

կի այս զէպքը բաւական է զինքը դաւաճաններու կարգին դասելու, Փաշա էֆէնտի : Իսլամ հասարակութեան մէջ մեծ յուզում յառաջ բերած է Գեմալ էֆէնտիի սպաննութիւնը : Անհրաժեշտ է նորանոր միջոցներով զսպել քանի ուշ չէ :

ՁԱՊԻՏ ՊԷՅ. — (ժամացոյցը նայելով) Այս մասին վերջնական քայլ մ'առնելու համար ներկայ պէտք էր ըլլային նաեւ Ասրմ Պէյ եւ Մեծ Գերման ներկայացուցիչ Մր. էյման :

ՅԷՅՄԻ ԷՅ. — Կարծեմ անոնք ժամը 4ին հազիւ պիտի կրնային ներկայ ըլլալ :

ՁԱՊԻԹ ՊԷՅ. — Արդէն չորսը կ'անցնի... (զանգակի ձայն) :

ՏԵՍԻԼ ԵՐՐՈՐԴ

ՆՈՅՆՔ, ՄՐ. ԷՅՄԱՆ, ԱՍԸՄ ՊԷՅ
ԵՒ ԱՊԻՏ

Բոլորն ալ ոտքի վրայ

ՄՐ. ԷՅՄԱՆ. — Բարեւ ձե'զ : Ներսուցութիւն, որ քիչ մը ուշ հասանք :

ՁԱՊԻԹ ՊԷՅ. — Հոգ չէ', ձերք Մեծութիւն, (ֆոլի աքոսը ցոյց տալով) Հը-

բամեցէ՛ք այս տեղ: (Մր. էյման իրեն ցոյց տրուած աքռոխն վրայ կը նստի: Միւսներն ալ կը նստին:)

ԱՍԸՄ ՊէՅ. — Ի՞նչ կարգադրութիւն ըրիք Փաշա էֆէնտի՛:

ԶԱՊԻԹ ՊէՅ. — Վերջնական կարգադրութիւն մը ընելու համար ձեզի եւս ըստպատէլ հարկ տեսանք, Պէյ էֆէնտի:

ՄՐ. ԷՅՄԱՆ. — Բայց լաւագոյն է որ անգամ մ'եւ այն երկու բանտարկեալները հարցաքննութեան կանչուին... Իմ քաղած տեղեկութիւններս ինձ այն համոզման բերին որ՝ այդ երկուքն են որ դորձը կը զեկավարեն բանտէն: (միւսները կը ցնցուին:)

ՁԵՅՄԻ ԷՅ. — Սկիզբէն ի վեր ես այդ կարծիքն եղած եմ, Փաշա էֆ.: Այս պարագան անցեալ օր կը հաստատէր նաև բանտապետին օգնական Քասիմը: Այդ շունները եթէ բացարձակապէս զրկուած ըլլային դուրսի հաղորդակցութենէն, այսօր այս փորձանքը գլխնուս պակաս կ'ըլլար:

ԶԱՊԻԹ ՊէՅ. — Այս անգամ աւելի խիտ վարուելու է այդ շուներուն հետ: (Ապիտին) Բանտարկեալներուն այն եր-

կուքը կարգաւ ներս թող բերուի: (Ապիտ կը մեկնի:)

ՄՐ. ԷՅՄԱՆ. — Նախապէս չա՛տ մեղմ վարուելու է, այլապէս դարձեալ ամեն ջանք ապարդիւն կը վստանուի:

ԱՍԸՄ ՊէՅ. — Կարծեմ պէտք եղածէն աւելի մեղմ վարուեցանք, ձերդ Մեծութիւն: Եթէ այդպէս շարունակենք, ոչ մէկ բառ կը խոստովանին:

ՄՐ. ԷՅՄԱՆ. — Դուք զիս սխալ հասկցաք, Պէյ էֆէնտի: Նախապէս մեղմ վարուիլ եւ յետոյ, եթէ կրկին յամառեցան, հարցաքննութիւնը խստացնել: Ահա՛ այս էր իմ միտքս:

ՎԷՂՊԻ ՊէՅ. — Ճիշտ է ձեր թելադրութիւնը, ձերդ Մեծութիւն: Մենք եւս նոյն միջոցը լաւագոյնը դտեր ենք յաճախ: (զանգակի ձայն):

ՏԵՍԻՆ ԶՈՐՐՈՐԳ

ՆՈՅՆՔ, ԱՊԻՏ, ԵՐԿՈՒ ՈՍՏԻԿԱՆՆԵՐ ԵՒ ՄԱՐՏԻԿ: (վերջինը շփաշալկապ)

ԶԱՊԻՏ ՊէՅ. — (ոստիկաններուն) Առաջ բերէք էֆէնտին եւ շղթաներն ալ քա-

կեցէք: (ոստիկանները անմիջապէս հրամանը կը կատարեն):

ՄՐ. ԷՅՄԱՆ. — Տե՛ս, այժմ ազատ ես, եւ շղթաներդ քակուած, քիչ վերջն ալ բորբոքվին ազատ պիտի ըլլաս, որովհետեւ անմեղ ըլլալուդ ապացոյցները գտանք: Բայց երթալէ առաջ խոստացիր ձեր գիւղին մէջ գտնուող ըմբոստներուն անունները տալ:

ՄԱՐՏԻԿ. — (լուռ եւ սակայն պժգանֆով կը նայի Մր. Էյմանին:)

ԶԱՊԻԹ ՊԷՅ. — Երեւի չես փափաքիր ազատ արձակուիլ:

ՄԱՐՏԻԿ. — (համարձակօրէն) Փաշա էֆէնտի, մինչեւ հիմա տասն անգամ կրկնած եմ որ ես ո՛չ մէկ տեղեկութիւն ունիմ ձեր ըսած ըմբոստներու մասին... Դուք ալ քաջ գիտէք որ մեր գիւղը երիտասարդ չի մնաց շնորհիւ Մր. Էյմանի եւ իր արբանեակ մի քանի պատուելիներու, եղածներս ձերբակալուեցանք ամբողջովին:

ԶԱՊԻԹ ՊԷՅ. — (մօտենալով Մարտիկի) Հապա այժմեան ըմբոստները որո՞նք են:

ՄԱՐՏԻԿ. — Չգիտցած բանիս ի՞նչպէս

կրնամ պատասխանել, էֆէնտի: Գիշեր ցերեկ բանտին մէջ խիստ հսկողութեան տակ միթէ՞ կարող եմ դուրսի աշխարհէն տեղեակ ըլլալ:...

ՄՐ. ԷՅՄԱՆ. — Հապա տիկնոջ մը միջոցաւ յարաբերութեան մէջ եղողը ո՞վ է ձեր գիւղը ապաստանող յեղափոխականներու հետ: Խոստովանիր ժշմարտութիւնը ու պիտի ազատուիս:

ՄԱՐՏԻԿ. — (Դարձեալ պժգանֆով նայելով Էյմանի՝ լուռ կը մնայ):

ԶԱՊԻԹ ՊԷՅ. — (որ աւելի մօտեցած է Մարտիկի) Երեւի դարձեալ մտրակով խօսեցնել պիտի ստիպուինք:

ՄԱՐՏԻԿ. — Ինչպէս որ կուզէք, էֆէնտի... ո՛չ ինչ ունիմ ըսելիք...

ՄՐ. ԷՅՄԱՆ. — (Աչքով նշան կրնէ Զապիթ Պէյի որ խստացնէ հարցաքննութիւնը:)

ԶԱՊԻԹ ՊԷՅ. — Ինչ ընկերդ կարապետը քիչ առաջ հոս ամեն բան խոստովանեցաւ չիտակը ու ազատ արձակուեցաւ: Ան ըսաւ որ հարիւրէ աւելի յեղափոխականներ կան գիւղը եւ դու ալ անոնց առաջնորդն ես: Բայց մենք համոզուած ենք

որ դուն այժմ զղջացած ես, հետեւաբար յանցանքդ կը ներենք, միայն թէ՛ երթալէ առաջ, ըսէ թէ քանի՞ հատ են այդ ըմբոսաները :

ՄԱՐՏԻԿ.— Էֆէնտի՛, մեր գիւղը ո՛չ ըմբոսաներ եղած են եւ ո՛չ ալ ես անոնց առաջնորդը եղած եմ : Քանի մը ծերերէ եւ երեսաներէ զատ մարդ չէ՞ր մնացած երբ մեզ գիշերով ձերբակալեցին : Լսածիս նախելով այդ մնացածներն ալ քշուած, ըսպաննուած են : Ասիկա զրպարտութիւն է որ իմ վրայ կը բարդէք, էֆէնտի՛ :

ԶԱՊԻԹ ՊԷՅ.— Մենք չենք որ այսպէս կ'ըսենք, այլ քու ընկերդ խոստովանեցաւ...

ՄԱՐՏԻԿ.— Ես չեմ հաւատար որ ընկերս գոյութիւն չունեցող բան մը կրնայ ըսել, էֆէնտի՛ :

ԶԱՊԻԹ ՊԷՅ.— Ըսել է Օսմ. կառավարութեան ղէմ դաւողներէն մէկը դուն չե՞ս ...

ՄԱՐՏԻԿ.— Ո՛չ : Ընդհակառակը դուք մեր ազգին դաւեցիք, ձեր կողքին ունենալով ատոր նման (Մը. էյմանը ցոյց տալով) «Աստուծոյ պաշտօնեաները» :

ԶԱՊԻՏ ՊԷՅ.— (կատաղելով) Սրիկա քեզ, այդ բերանդ աղբով լեցնել կուտամ ... (կապտակէ : Դատնալով ոստիկաններուն) Շղթայեցէք կրկին այս շունը եւ տարէք յանձնեցէք Հասան ծնպաչիին... (ոստիկանները շղթայելով կը տանին : Վայրկեան մը լուրբիւն : Զանգակի ձայն : Երկու ոստիկաններ ներս կը բերեն կապետը :)

ՏԵՍԻՆ ՀԻՆԳԵՐՈՐԳ

ՆՈՅՆՔ ԵՒ ԿԱՐԱՊԵՏ (շղթայակապ)

ՄՐ. ԷՅՄԱՆ.— Ես առաջուց չը՞սի, էֆէնտիներ, որ հայերը հաւատարիմ են Օսմ. կառավարութեան : Միւսը ազատ արձակեցիք, աս ալ պիտի արձակէք, որովհետեւ ասոր եւս անմեղ ըլլալուն համոզուած եմ :

ԱՍԸՄ ՊԷՅ.— Անշուշտ պիտի արձակենք, ձերդ Մեծութիւնը, եթէ այս էֆէնտին ալ Մարտիկ էֆէնտիի նման ճշմարտութիւնը խօսի :

ԶԱՊԻԹ ՊԷՅ.— Առաջ եկէք, էֆէնտի՛, (ոստիկաններուն) Քակեցէք շղթաները... Մարտիկ էֆէնտին ամեն բան խոստովա-

նեցաւ... սխարմամբ երկուքդ ալ Մօրենիկ զիւզի մէջ ապաստանած խոտվարարներուն հետ յարարերութիւն պահած էք եղեր, ինչ որ չէր վայլեր ձեզ նման հաւատարիմներու: Ի՛նչ որ է, քեզ ալ պիտի ներենք, եթէ յայտնես թէ՛ որո՞ւ միջոցաւ յարարերութեան մէջ էիք անոնց հետ եւ քանի՞ հատ են... Մարտիկ էֆէնտին ըսաւ որ այս մասին դուն գիտես, որովհետեւ առաջնորդներէն մէկը եղած ես...

ԿԱՐԱՊԵՏ .— (Առանց վրդովուելու եւ այլայլելու) Փաշա էֆէնտի, կերդնում որ այդ «խոտվարարներ»ու մասին ոչ ինչ գիտեմ, նոյն իսկ չեմ հաւատար թէ այդ փոքր գիւղին մէջ այդպիսի բան կրնայ պատահիլ:

ԶԱՊԻԹ ՊԷՅ .— Ինչո՞ւ. միթէ՞ ձեր կուսակցութիւնը — Հնչակեանութիւնը Մասնաճիւղ չունէր հոն:

ԿԱՐԱՊԵՏ .— Բոլոր կուսակցութիւններն ալ ունէին. բայց անոնք հաւատարիմ էին այս երկրի կառավարութեան: Բացի ասկէ պատերազմին մէջ մտնելէ անմիջապէս յետոյ բոլոր երիտասարդներն ալ ձեր բակալուելով աքսորեցին...:

ԶԱՊԻԹ ՊԷՅ .— Հա՛, սակայն մնացողները ո՞վ կազմակերպեց, արտասահմանէն զրկուած գէնքերն ու ուսմբերը ո՞վ բաժնեց գիւղերը: Մենք գիտենք որ դուն խարուած ես ուրիշներու, ատոր համար դուն յանցաւոր չես: Որքան որ ձեր կուսակցութեան ղեկավարը եղած ես ու այդ ըմբոստութիւնը կազմակերպած, սակայն գիտակցարար չընելուդ համար ազատ պիտի արձակենք...

ԿԱՐԱՊԵՏ .— Փաշա էֆէնտի՛ սխա՛լ հաղորդուած է այդ տեղեկութիւնը ձեզ: Ես ո՛չ կազմակերպած եմ այդպիսի բան եւ ո՛չ ալ խարուած եմ:

ՄՐ. ԷՅՄԱՆ .— Գու ընկերդ խոստովանեցաւ, միթէ՞ ան սուտ կը խօսի:

ԿԱՐԱՊԵՏ .— (միայն խոժոռ ակնարկ մը կը նետէ Մր. Էյմանի, որպէս պատասխան:)

ԶԱՊԻԹ ՊԷՅ .— Ձե՞ս ուզեր ընկերոջդ նման ճշմարտութիւնը խօսիլ եւ ազատ արձակուիլ:

ԿԱՐԱՊԵՏ .— Ըճմարտութիւնը խօսեցայ, Փաշա էֆէնտի:

ԶԱՊԻԹ ՊԷՅ .— (բարկութեամբ) Բայց

չէ՞ որ ընկերդ ըսաւ որ դուն առաջնորդներէն մէկը եղած ես :

ԿԱՐԱՊԵՏ.— Ձեմ հաւատար որ ընկերս այդպիսի բան խօսած ըլլայ, քանի որ ես առաջնորդ եղած չեմ :

ԶԱՊԻԹ ՊԷՅ.— Ըսել է մենք սո՞ւտ կը խօսինք, հա՞ :

ԿԱՐԱՊԵՏ.— Դուք կ'ըսէք...

ԶԱՊԻԹ ՊԷՅ.— Անպիտան սրիկայ, ի՞նչպէս կը համարձակիս այդպէս պատասխանել: (կատաղաբար կ'ապտակէ: Ոստիկաններուն) Կապեցէ՛ք այս շան ծնունդը եւ տարէք վար որ ասոր ալ լաւ դաս մը տրուի...: (ոստիկանները շղթայելով կը տանին) Անպիտանները կարծես քարէ շինուած են... (լուրժիւն վայրկեան մը):

ՄՐ. ԷՅՄԱՆ.— Անկարելի է որ սեւէ դաղտնիք յաջողինք առնել: Պէտք է բոլորովին տարբեր միջոցի գիմենք:

ԱՍԸՄ ՊԷՅ.— Այդ տարբեր միջոցն է որ այսօրուընէ մտածելու եւ գործադրութեան դնելու ենք, վասն զի վաղը ուշ պիտի ըլլայ...:

ԶԱՊԻԹ ՊԷՅ.— Այդ գիւղի ըմբոստութիւնը կասկած չկայ որ վատ հետեւանք-

ներ պիտի յառաջացնէ, բայց թէ ի՞նչ է այն միջոցը, որ ընդ միշտ պիտի արգելէ այդպիսի փորձանքները մեր գլխուն: Ահա՛ այս է կարեւորը:

ՎԷՂՊԻ ՊԷՅ.— Իմ կարծիքով զինուորական դումարտակ մը յատկացնելու է այդպիսի գիւղերու, որուն գործն ըլլայ չինսայել ոչ ոքի...:

ՄՐ ԷՅՄԱՆ.— Այդ միջոցը չեմ կարծեր որ արգիւնաւոր կրնայ ըլլալ: Իմ կարծիքով եթէ վաղուընէ սկսեալ բոլոր գիւղերը մէկ մէկ մունետիկներ զրկուին, որոնք կառավարութեան կողմէ պաշտօնապէս յայտարարեն թէ՛ Պօլսէն հրաման եկած է որ ո՛չ-խալամները հանգիստ իրենց տեղերը վերադառնան եւ շինարար գործի սկսին—անոնք ո՛չ պիտի գաղթեն և ո՛չ ալ պիտի զինուորագրուին: Այսպիսի յայտարարութիւն մը պիտի նպաստէ որ լեռներու մէջ պահուածներն իսկ դուրս գան: Երբ այս եղաւ, անկէ վերջ մեր ընելիքը որոշ կ'ըլլայ այլեւս...:

ԶԱՊԻԹ ՊԷՅ.— Ասիկա հրաշալի միտք է... բայց պայմանաւ որ ձերք մեծութիւնն

ալ իր կողմէն քայլեր առնէ այդ կերպին յաջողութեան համար :

ՄՐ. ԷՅՄԱՆ. — Այդ կողմէն դուք անհոգ եղէք : Օսմանեան հայրենիքին ծառայելը մեր պարտականութիւնն է :

ԱՍԸՄ ՊԷՅ. — Մենք ալ Գերման հայրենիքին ծառայելը մեր նուիրական պարտականութիւնը կը համարենք :

ՎԷՀՊԻ ՊԷՅ. — Կը յուսամ որ այս անգամ Պօլսէն եկած հրամանը տառացիօրէն գործադրել պիտի յաջողինք . . . :

ՄՐ. ԷՅՄԱՆ. — (ժամացոյցին նայելով) Եթէ ուրիշ խնդիրներ կան կարգադրելիք, թող մնան վաղուայ, որովհետեւ կարեւոր գործի մը համար Քաղաք պիտի մեկնիմ այժմ : (առփի վրայ) Այս որոշումները անպայման գաղտնի մնալու են հա՛, Չապիթ պէ՛յ :

ԶԱՊԻԹ ՊԷՅ. — Հարկա՛ւ, ձերդ մեծութիւնը անկասկած թո՛ղ ըլլայ այդ մասին :

ՄՐ. ԷՅՄԱՆ. — Չմտնամ հաղորդելու, որ այս առաւօտ Գերման կայսերական կառավարութեան պատերազմական նախարարութենէն եկած հեռագիրը մեծ

յաղթանակ մը կ'աւետէ Մարնի քովերը : Անգլիա եւ Ֆրանսա շուտով ծունկի պիտի գան . . . : Յաջորդ արշաւը պիտի ըլլայ Կալցիոյ կողմը :

(Ուրախ բացագանչութիւն, «կեցցէ՛ Մեծն Գերմանիա . . . կեցցէ՛ Օսմանեան մեծագոր կայսրութիւնը : Երբ-ալու պատրաստութեան մէջ : Դուրսէն հրացանագութիւն եւ զինուորական փողի ձայն կը լսուի :)

ՄՐ. ԷՅՄԱՆ. — (դէպի պատուհանը երբ-ալով) Այս ի՞նչ իրարանցում է . . . (վարագոյրը վեր բարձրացուցած միջոցին՝ կայծակի փայլատակումէն սուկա հար՝ գետին կիլնայ : Միւսները՝ երկիւղի եւ շուարման մէջ՝ դուրս փախչելու կը ջանան :)

ԶԱՅՆ ՄԸ. — (դուրսէն) Բանտին մէջ ըմբոստութի՛ւն . . . հրդեհ կա՛յ . . . հըրդե՛հ . . . :

(Դուրսը անընդհատ հրացանագութիւն և զինուորական ուժգին փողահարութիւն : Խուժանային պոռչտուֆներ :)

ՎԱՐԱԳՈՅԻ

ԱՐԱՐՈՒԱԾ ՉՈՐՐՈՐԴ

ՏԵՍԱՐԱՆՆ Է ԿՈՍՏԻԿԵՆՅ ՏԱՆ ՆԵՐՔԵՆԱ-
ՅԱՐԿԸ, ՄՕՐԷՆԻԿ

(Շրջանակաձև նստած եւ գէնֆերու մաքրութեան գործով զբաղած եւն Դաւիթ, Նշան, Գրիգոր, Վաղարշակ, Նուրիան, Յակոբ եւ Հմայեակ. իսկ խաչատուրը՝ բրիչը ձեռքը՝ պատը ծակելու աշխատանքով զբաղած է: Դուրսէն մերք. ընդ մերք. կը լսուի գինուորական փուլի ձայն:)

ՏԵՍԻՒ ԱՌԱՋԻՆ

ԴԱԻԻԹ, ԽԱՉԱՏՈՒՐ, ԳՐԻԳՈՐ, ՅԱԿՈԲ,
ՎԱՂԱՐՇԱԿ, ՆՇԱՆ, ՀՄԱՅԵԱԿ ԵՒ
ՆՈՒՐ ՀԱՆ

ՅԱԿՈԲ. — Մունետիկին ձայնը երկու օր է չի լսուիր... Երեւի «չնորհուած ներման» իրենք ալ չեն հաւատար... Յիմարնե՛ր, գէթ սա զինուորական արտակարգ դրութեան վերջ տուէք, ո՛ր, թերեւս, միամիտներ գտնուին հաւատացող...:

ԽԱՉԱՏՈՒՐ. — (քրտինքը սրբելով) Ներո՛ւմ... այդ շունե՞րն ալ այդ բառին նշանակութիւնը գիտեն... (փոքրիկ պատը) Վաղը կամ միւս օր իրենց շնորհած ներման արժէք ցոյց կուտա՛նք... կը չափուի՛նք...

ԴԱԻԻԹ. — Հարկա՛ւ պիտի չափուինք, բայց բաղձալի չէ այդքան շուտ եւ այս պայմաններու տակ: Երկու շաբաթ է դուրսէն ո՛չ վառօթ ստացած ենք եւ ո՛չ ալ փամփուշտ:

ՀՄԱՅԵԱԿ. — Առաջին անգամն է որ այսքան երկար անորոշութեան մէջ կ'ապրինք, գէթ գիտցած ըլլայինք դուրսի կացութիւնը կամ Արամին ու Մայրիկին ողջ ըլլալը, այն ատեն այսքան մտահոգութեան տակ չպիտի ճնշուէինք:

ՆՇԱՆ. — Իմ նախազգացումս զիս բնա՛ւ խաբած չէ: Ես այսօր այնպէս կըզգամ որ ո՛չ միայն Արամն ու Մայրիկը ողջ են եւ մեզ հրեշտակի նման օգնութեան պիտի հասնին, այլ եւ Արշալոյսն ու իր ընկերները գործի վրայ են...

ՆՈՒՐ ՀԱՆ. — (տխրութեամբ) — Նա-

խազգացող՝... Եթէ պիտի հաւատալ ատոր... ուրեմն այսօր մեր վերջին օրն է...:

(Բոլորն ալ կը ցնցուին: Վայրկեան մը վերջ զինուորական փողի ձայն:)

ՏԵՍԻԼ ԵՐԿՐՈՐԴ

ՆՈՅՆՔ ԵՒ ԱՌՐԱՀԱՄ

ԱՌՐԱՀԱՄ. — (հրացանը ուսին) — Ընկերներ, դուրսը խիտ զօրքերու շղթայ մը կ'երկարի ազդերին մօտէն մինչեւ Օսկեանէնց տան քով, իսկ Չայերին վրայ ալ թնդանօթ մը կը նշմարուի...:

(Հրացանի որոտում)

ԴԱԽԻԹ. — (Յուզուած) Ուրե՛մն, ճակատագրական պէտք է համարենք այս վայրկեանը, սրտակից շնկերներ... ո՞վ գիտէ, թերե՛ւս, քանի մը վայրկեան վերջ իրարմէ յաւիտեան բաժնուած կըլլանք: Բայց մեր ուխտը՝ պատուաբեր մեռնելու համար՝ անխախտ պիտի մնայ: Այն ոգին, որով ներշնչուեցան բոլոր մեծ յեղափոխականները՝ Ժիրայր, Մարտիկ, Պետո և

Աւետիսեան, թո՛ղ մեզ ալ ոգեւորէ ու ներշնչէ այս պահուս... Մեր մղելիք կռիւը սուրբ է եւ նուիրական... Վեց հարիւր տարիներէ ի վեր ամբարուած վրէժի թոյնըն է որ պիտի կաթեցնենք այդ վատերու հոգիներուն խորքը: Ուխտե՛նք...

(Ճնրադրելու պատրաստութեան մէջ, աջ անկիւնէն Արշալոյս՝ ծպտուած թրքական տարագով՝ ներս կը մտնէ: Բոլորն ալ կը ցնցուին:)

ՏԵՍԻԼ ԵՐԿՐՈՐԴ

ՆՈՅՆՔ ԵՒ ԱՐՇԱԼՈՅՍ

ԱՌՐԱՀԱՄ. — (Հրացանի փողը ուղիվով դէպի Արշալոյսը) Չչարժի՛ք...:

ԱՐՇԱԼՈՅՍ. — Վայրկեան մը սպասէ ու յետոյ պարտականութիւնդ կատարէ (թրքական սեւ սաւանը վար կ'առնէ գլխուն վրայէն ու կը յառաջանայ դէպի նշանը:)

ԱՄԵՆՔԸ (ապշահար) — Արշալո՛յսը...

ՆՇԱՆ. — (Կրծքին սեղմելով) *Ի՞նչ անսպասելի խենդութիւն...*

ԱՐՇԱՒՈՅՍ. — (դառնալով բոլորին, որոնք դեռ կը դիտեն հեգեպարար արքշապնով մը) — *Որովհետեւ անսպասելի խենդութեան օրերու մէջ կ'ապրինք: (Թեւիկն տակէն փամփուշտի ծրարը հանելով կ'երկարէ Դաւիթին) Այս չէ ամենը, տակաւին շա՛տ ունինք պատրաստ...*

ՆՈՒՐ ՀԱՆ. — (անհամբեր) *Բայց ո՞ւր են միւսները... Ի՞նչ կ'ընէիք մինչեւ հիմա եւ ո՞ւր կէ իմացաք մեր այս նոր թաքըստոցը...*

ԱՐՇԱՒՈՅՍ. — (արտաբանով) *Կը հաւատայի՞ք թէ ձեզ կրնանք մոռնալ: Համառօտ պատմութիւն մը այժմ այս մասին: Առաջին ժողովէն վերջ՝ երբ մեզ բռնի իսլամացուցին, բոլորս անձնասպան ըլլալու գաղափարը յղացանք, բայց վերջը այդ մտածումէն հրաժարեցանք, մտածելով որ առ երես համակերպութիւն ցոյց տալով՝ կրնանք օգտակար ըլլալ թէ՛ ձեզ և թէ՛ զիւրը մնացողներուն: Իրապէս ալ յաջողեցանք մեծ օգնութիւն տալ թշուառ-*

ներուն, սակայն մեր ամենամեծ բաղձանքն էր յարաբերութիւն պահել ձեզ հետ, եւ այս ալ անկարելի եղաւ, որովհետեւ ձեր տեղափոխութիւնը գործը դժուարացուց ամեն տեսակէտով, մինչեւ որ երկու օր առաջ այդ դժուարութիւնները յաղթահարեցինք: Կը խնդրեմ որ ասկէ աւելի տեղեկութիւն չպահանջէք մեր մասին, գէթ հիմա, վասնզի ժամերը սուղ են, պէտք է օգտագործենք...:

ԽԱՉՍՏՈՒՐ. — *Ի՞նչ, անակնկալ պատահեր է որ:*

ԱՐՇԱՒՈՅՍ. — *Միթէ՞ անգիտակ էք: Այդ Մունետիկի յայտարարութիւնը կեղծ էր: Զինուորները կը համախմբեն որ վերջին յարձակողականը սկսին, կը խորհին թէ յեղափոխական մեծ բանակ մը թաքնուած է զիւրը:*

ՆՇԱՆ. — *Այդ գիտէինք: Բայց ի հարկէ այդ յարձակողականը քանի մը օր կ'ուշանայ, եւ մենք այդ ժամանակամիջոցին մէջ շատ բան կրնանք ընել...*

ԱՐՇԱՒՈՅՍ. — *Քանի մը օր ո՞ւր... ո՛չ, ո՛չ. այսօր իսկ այդ յարձակողականը*

պիտի սկսին... քանի մը վայրկեան վերջը թերեւս...

(Ամենքն ալ կը ցնցուին)

ԴԱԻԻԹ.— (պաղարիւնութիւնը պահելով) Ո՞ւրկէ իմացաք այդ բանը...

ԱՐՇԱՒՈՅՍ.— Երէկ գիշեր Խելիլենց տունը՝ Մէղրէէն եկած պաշտօնեաներով՝ արտասովոր ժողով կար: Գաղտնի ունկընդրութիւն ընելով ամեն բան իմացայ... Այս պարագան գիշերանց հաղորդեցի ընկերուհիներուս ու վճռեցինք միասին ձեզ միանալ ու ձեզ հետ պատուով մեռնիլ...

ՆՇԱՆ.— Հիմա ո՞ւր են ընկերուհիներդ...

ԱՐՇԱՒՈՅՍ.— Մեր առաջին ժողովատեղին... Ամեն պատրաստութիւն տեսած ենք: (արտօրալով) Ուրեմն երթամ որ շուտով ձեզ միանանք բոլորս ալ, ժամանակը շատ սուղ է: (զինուորական փողի ձայն դուրսէն: Արշալոյս սաւանը կրկին վրան առնել կը ջանայ: Նշան ֆակատէն կը համբուրէ:)

ՆՇԱՆ.— Հպարտ եմ քեզմով, իմ քաջ հերոսուհի՛ն...

ԽԱՉԱՏՈՒՐ.— Ապրի՛ն, հազար ապրին ձեզ նմանները, դաւա՛կս...

ԱՐՇԱՒՈՅՍ.— Շատ շուտով հոս կ'ըլլանք... (կը մեկնի ձախ կողմէն: Բոլորն ալ հպարտութեամբ ետեւէն կը դիտեն:)

ԳՐԻԳՈՐ.— Ո՞վ կ'ըսէ թէ այս ազգը կը մեռնի... Երբ ազգի մը իգական սեռը այսպէս կտրիճ է, այդ ազգը յաւիտեան կապրի...

(Արամ ներս կը մտնէ ծպտուած աչ կողմէն)

ՏԵՍԻՒ ԶՈՐՐՈՐԴ

ՆՈՅՆՔ ԵՒ ԱՐԱՄ

ԱՐԱՄ.— (ծրարը վերաբերուին տակէն հանելով) Կարծես գիւղը լրտեսներով լեցուած է, մարդ կը շուարի եւ ինչ ընելիքը չի գիտեր: Այսքան չպիտի ուշանայի եթէ իզուր տեղը Արշալոյսին չսպասէի, նախապէս կարգադրութեան մը համաձայն:

ԴԱԻԻԹ. — Արշալոյսը հո՛ս էր քանի մը վայրկեան առաջ:

ԱՐԱՄ. — (Զարմանալով) Հո՞ս էր...

ԴԱԻԻԹ. — Այո՛: Ան ամեն ինչ պատմեց...

ԱՐԱՄ. — Իրապէս այդ աղջիկը հերոսուհի է: Մինչեւ Գէսարիկ եկաւ ծպտուած երէկ ու Մայրիկին հետ տեսնուեցաւ...

ԴԱԻԻԹ. — Մայրիկը Գէսարի՞կ է ուրեմն:

ԱՐԱՄ. — Այո՛, բայց աքսորեցին զիւնքն իսկ. ես ազատեցայ շնորհիւ մեր ազային կնոջը: (Բռնորն ալ տխրութեամբ կը համակուին:) Բայց ո՞ւր գնաց Արշալոյսը նորէն:

ԴԱԻԻԹ. — Առաջին ժողովատեղին, որպէս զի միւս ընկերուհիներով մեզ միանայ:

ԱՐԱՄ. — Բայց ո՞ր ճամբայով պիտի գան:

ԴԱԻԻԹ. — Ծանօթ ճամբայով: Ի՞նչ կայ որ...:

ԱՐԱՄ. — (գունատելով) Այդ ճամբան կը լրտեսուի այժմ... ես միւս անցքէն եկայ... (բռնորն ալ կը ցնցուին):

ԽԱՉԱՏՈՒՐ, (Արամին). — Շո՛ւտ, արծուի նման թռի՛ր ու խմաց տուր, քանի ուշ չէ:

ԴԱԻԻԹ. — (հակառը համբուրելով Արամին) Գոնէ անոնց վերկութիւնը քու յաջողութենէդ կախում ունի:

ԱՐԱՄ. — (վայրկեան մը առտամետել վերջ) Եթէ կեանքս ալ վրայ տալու ըլլամ, դարձեալ պիտի երթամ: (կը մեկնի):

ԳՐԻԳՈՐ. — Ապրի՛ս, ճշմարիտ հայու զաւակ...:

ԴԱԻԻԹ. — (փափուշտները հաւասարապէս բաժնելով տղայոց) Բաղդաւոր ենք, ընկերներ, որ մինակ չենք, իդական սեռն ալ պիտի ունենանք մեր կողքին... Այս գիմադրութիւնը փառաւոր եւ պատմական պիտի մնայ, եթէ իշնանք մենք, մեր մահն ալ փառաւոր պիտի ըլլայ եւ ո՛չ թէ անփառունակ, շատերու նման... Երբ ժամը հասնի կռուին, ո՛չ ոքի մի՛ խնայէք,

իւրաքանչիւր փամփուռտով, եթէ հնարաւոր է, երկու շան դիակ պիտի փոէք զետին... (դուրսը ուժգին հրացանաձրգութիւն: Թնդանօթի որոտում: Շէնքը կը սարսի հիմէն:)

ԱՅՐԱՀԱՄ .— (հրացանը ուսին ներս վազելով) Պաշարուած ենք... Թնդանօթները ուղղած են շեշտակի մեր թագստոցին, իսկ զինուորական շլթան հետզհետէ կը սեղմուի... (խուժանային պոռչտում դուրսը եւ զինուորական փողի ձայն:)

ԴԱԻԻԹ .— (Յուզուած) Վերջապէս հասա՛ւ վճռական վայրկեանը... Ընկերուհիները անկարելի է որ մեզ միանան... Անոնք հոն պիտի մահանան իսկ մենք հոս... (դուրսը անընդիստ հրացանաձրգութիւն) Թանկագին ընկերներ, գուցէ այս ահեղ ճակատամարտի առաջին թափին իսկ մեզմէ ոմանք իշնան, բայց մնացողները պէտք է ինկոզներու դիակները պատնէշ ընեն ու կռիւը շարունակեն մինչեւ վերջին շունչը... (քնդանօթի որոտում) Եկէ՛ք վերջին անգամ մ'ալ զիրար ողջագուրենք ու սկսինք սրբազան կոուրն... (կը համբուրուին բոլորն ալ) Օ՛ն, գործի՛, քաջասիրտ ընկերներ:

(կը համբուրուին բոլորն ալ) Օ՛ն, գործի՛, քաջասիրտ ընկերներ:

(Կսկսին պատուհաններէն եւ բացուածքներէն կրակել: Դուրսը խուժանային աղմուկ եւ զինուորական փող:)

ԽԱՉԱՏՈՒՐ .— (Փոքելով պատը արագ արագ) Դեռ մեր պաշարը չմնցած ես գործս կը վերջացնեմ, խնայողութեամբ գործածեցէք զնդակները...:

(Կռիւր կը շարունակուի երկուստեք կատաղօրէն: Տան մէկ մասը կը փլչի:)

ԴԱԻԻԹ .— (Մօտենալով փլչած մասին) Իրարանցո՛ւմ կայ գուրսը, տղա՛ք... կրակեցէ՛ք զէ՛պի աջ... զինուորներէն շատեր ինկած են... իսկ ոմանք նահանջի մէջ կերելին... կրակեցէ՛ք նաեւ զէ՛պի ձախ... ահա՛ պաշտօնեաներէն մէկը զետինը... (Աքրահամ կը զարնուի կարծէն... իսկ հաչատուր կը վիրաւորուի, բայց աշխատանքը չի ձգեր: Դուրսը խառնաշրփոթութիւն: Շէնքի մէկ մասն ալ կը փլչի:)

ԳՐԻԳՈՐ .— (Մօտենալով բացուած-

քին) Այս կողմէն պաշարումը սեղմուած է, տղա՛ք: Այս ուղղութեամբ ուժերնիզ կեդրանացուցէ՛ք... (կսկսի արագ արագ կըրակել:)

ԽԱՉԱՏՈՒՐ.— (ուրախութեամբ) Աճեն ինչ լրացաւ, ընկերներ՛ր: Ահա՛ւաստիկ փրկութեան ճանապարհը (ցոյց կուտայ պատին բացուածքը:)

(Ահեղ ցնցում: Շէնքին միւս մասն ալ փլչելով՝ զինուորները ներս խուժել կը փորձեն:)

ԴԱԻԻԹ.— Տղա՛ք, կրակեցէ՛ք ու անցէք... (աչ ու ձախ կրակելով բացուածքէն փախուստ կուտան: Ներս խուժող զինուորներէն ոմանք կիյնան: Խաչատուր, Գրիգոր եւ Վաղարշակ կսպանուին: Շէնքը կը փլչի ամբողջութեամբ:)

(ՎԱՐԱԳՈՅՐ

ՊԱՏԿԵՐ ԵՐՐՈՐԴ

ՏԵՍԱՐԱՆՆ Է ԾԱՌԱՋԱՐԴ ԶՈՐ ՄԸ ՄՕՐԷՆԻԿԻ ՀԻՒՍԻՍ-ԱՐԵՒԵԼԵԱՆ ԿՈՂՄԸ

(Լուսադէմ է: Թռչումները կը նոսրանան: Հեռուէն կը լսուի մուկոցի մի աղօթածայնը— «Լա՛ի լաի իլ ալլա՛հ, Մուհամմէտ բէտալ ուլլա՛հ:» Զինուորական փողի ձայն մերթ ընդ մերթ:)

ՏԵՍԻԼ ԱՌԱՋԻՆ

ԴԱԻԻԹ, ՀՄԱՅԵԱԿ ԵՒ ՆՇԱՆ

ՀՄԱՅԵԱԿ.— (վիրաւորուած) Ա՛լ չեմ կարող քալել, ընկերներ՛ր, (Դաւիթ եւ Նշան կը բռնեն որ գետին չիյնայ:)
Բողոքովին ուժասպառեցայ... (կը նստի)
Կուրծքս՝... օ՛հ, այդ անիծեալ զնդա՛կը... Ա՛խ, պիտի մեռնիմ դեռ արիւն խմելէ չյաղեցած... ո՛ւֆ... (կը հեկեկայ):

(Հեռուէն զինուորական փողի ձայն, հրացաններու որոտ եւ հարայ հրոց:)

ԴԱԻԻԹ. — (Սարսափահար) *Հոս ապահով չէ, հեռանանք...* (Նշանի հետ կը ջանայ Հմայեակը վերցնել):

ՀՄԱՅԵԱԿ. — (կուլայ) *Ձեմ կարող քալել... Օ՛հ, սիրոս...* (կուրծքը պատռել կը ջանայ) *Կայրի՛... կրա՛կ կայ այս տեղ... ջո՛ւր... կաթիլ մը ջո՛ւր, ջո՛ւր ընկերներ, օ՛հ...* (կը նուաղի: Գնդակները կարկուտի նման կը քափուին):

ՆՇԱՆ. — (Հմայեակը ժայռի մը տակ տանելով) *Դո՛ւն ալ այս կողմը անցիր Դաւիթ, հոս քիչ մը ապահով է:*

ԴԱԻԻԹ. — (շուարած ինչ ընելը չի գիտեր...)

ՆՇԱՆ. — (տեսնելով Դաւիթի վիճակը) *Ինչո՞ւ շուարեցար...*

ԴԱԻԻԹ. — (փամփշտակալը գետինը գարնելով) *Մէկ հաս ալ չկա՛յ... բոլորն ալ սպառած...* (յուսահատ վիճակ: Փայտջելու փորձի մէջ՝ զինուորներ վրայ կը հասնին ու կը ձերբակալեն երկուքն ալ):

ՏԵՍԻԼ ԵՐԿՐՈՐԴ

ՆՈՅՆՔ, ՋԷՔԻ ԵՒ ՋԻՆՈՒՈՐՆԵՐ

ՋԷՔԻ. — (խրախտաբար) *Բերէ՛ք այդ սրիկաները, որ ես անոնց ցոյց տամ Օսմ. փառապանձ գահին դէմ ըմբոստութիւնը...* (Դաւիթ եւ Նշան կապուած առաջ կը բերուին) *Հերիք չեղա՞ւ ձեր ըրածները, իժի ծնունդներ (կապտակէ): Ո՛ւր է միւսը, երեք հաս ըլլալու էին:* (զինուորները սող անդ նայելով Հմայեակը կը գտնեն կը բերեն:) *Ջախջախեցէ՛ք նախ այդ շանը գլուխը, որովհետեւ դեռ սասկած չէ:* (զինուորին մէկը խաշոր քար մը առնելով բարձրէն կը ձգէ Հմայեակի գլխուն վրայ:) *Բերէ՛ք միւս շունը* (կը մատնանշէ Նշանը) *եւ պառկեցուցէք...* (զինուորները անմիջապէս հրամանը կը կատարեն: Դառնալով Դաւիթին:) *Հայտէ՛, շանորդի՛, զինուորին պաշտօնը դուն կատարէ. վերցո՛ւր քարը եւ իջեցո՛ւր ընկերոջդ գլխուն:* (Դաւիթ բնաւ չի շարժիր տեղէն): *Քեզի կ'ըսեմ, անօրէն (կ'ապտակէ), վերցո՛ւր այս քարը* (Դաւիթ նորէն անշարժ): *Չպիտի՞ կատարես հրամանս* (աւրը պատնանէն կը քաշէ):

ԴԱԻԻԹ. — Կը կատարեմ...

ՁԷՔԻ. — Անպիտաննե՛ր, մինչեւ որ սուրը չի տեսնէք, չէք շարժիր: Վերցուր սա քարը նայիմ եւ ջախջախէ ընկերո՞ջդ զլուսը:

ԴԱԻԻԹ. — (տեսնելով Ձէֆիի գօտիին մէջ խրուած կեռ դաշոյնը, յանկարծ լռյս մը կը ծագի մտփին մէջ: Կը տատամսի պահ մը եւ շեշտակի կը նայի Ձէֆիի ա-րիւնխոած աչքերուն մէջ:)

ՁԷՔԻ. — (կատաղուքեամբ) Շատ պիտի սպասցնե՞ս, շուն կէսավո՛ւու (կապտակէ քթին ու բերնին: Դառնալով քովի մէկ զինուորին) Վերցո՛ւր քարը եւ անգամ մը ցոյց տուր այս վատին թէ՛ ի՞նչպէս պէտք է ընէ:

ՁԻՆՈՒՈՐԸ. — (գետնէն քարը վերցընելով՝ անխոռով՝ կը վարնէ նշանի գըլ-խին:)

ԴԱԻԻԹ. — (կը սարսոյ: Աչքերը կը գոցէ ձեռքերով, ահռելի տեսարանը չի տեսնելու համար:)

ՁԷՔԻ. — (ապտակելով) Դեռ կը տըն-

տնա՞ս, շան ծնունդ... Վերցո՛ւր ու-րեմն քարը տեսնեմ...

ԴԱԻԻԹ. — Մէկ վայրկեան, էֆէնտի՛... (կը ծռի քարը վերցնելու դիտաւորու-քեամբ, սակայն մէկ ակնքարքի մէջ Ձէ-ֆիի գօտիէն կը խլէ դաշոյնը եւ կը խրէ՛ անոր կարծքը) Նախ դուն սատկի՛ր, շան ձա՛ղ... (Ձէֆի կիյնայ գետին արիւնքա-քալս: Զինուորներէն ումանք իրար կանց-նին ահաբեկումով: Դաւիթ փախչելու փորձ կընէ:)

ՁԷՔԻ. — Օ՛հ, անիծեալ ազգի զա-ւակ... (տեսնելով զինուորներուն շուա-րումը) Ինչո՞ւ կսպասէք, յիմարնե՛ր, շան նման սատկեցուցէք այդ վատը... (կը փորձէ ոտփի կանգնիլ, սակայն կիյնայ գետին շնչահատ: Զինուորները Դաւիթը բռնելու կը ջանան:)

ԴԱԻԻԹ. — (դաշոյնը իր կուրծքը խը-բելով) Դուք արժանի չէք իմ արիւնը թա-փելու, վատե՛ր (գետին կիյնայ մահա-մերձ: Զինուորներ՝ ահաբեկ՝ իրար

կանցնին : Արեւը հորիզոնին վրայ կ'երեւի :
 Հեռուէն ընդհատ ընդհատ կը լսուի .

«ԱԼԼԱ՛Ն ԷՔՊԵՐ . . . ԱԼԼԱ՛Ն ԷՔՊԵՐ . . .»

ՎԱՐԱԳՈՅՐ

ՎԵՐՋ



ՀԵՏՉՀԵՏԷ

**ԼՈՅՍ ՊԻՏԻ ՏԵՍՆԵՆ ՀԵՂԻՆԱԿԻՆ
 ՀԵՏԵԻԵԱԼ ԱՇԽԱՏՈՒԹԻՒՆՆԵՐԸ**

- Կաղանդ չէք :
- Անձնասպանը :
- Ըմբոստ հոգիներ :
- Չախջախուած դանկեր (իրավէպ)
 Հայրենիքին համար :
- Թեր խարբերդի յեղափոխական
 կեանքէն :
- Ընկերային զոհեր :
- Չինուորականութիւնը չարիք մարդ-
 կութեան :



2p

Հ Ա Ս Ո Յ Թ Ը

Այս գրքոյկի հասոյթին ԿԱՐԵՒՈՐ մասը
պիտի յատկացուի Մօրէնիկի
Ուսումնասիրաց Ընկերութեան :

ԳԻՆՆ Է 35 ՍԷՆԹ



Ստանալու համար դիմել հեղինակին՝
«վերածնութիւն»ի հասցէով և կամ
ուղղակի իրեն • 137 Summit St.,
E. Providence, R. I.

24182

2013

